



پشه‌يي

۴ منگل صنف





ملي سرود

دا عزت د هر افغان دی	دا وطن افغانستان دی
هر بچی یې قهرمان دی	کور د سولې کور د تورې
د بلوڅو د ازبکو	دا وطن د ټولو کور دی
د ترکمنو د تاجکو	د پښتون او هزاره وو
پامیریان، نورستانیان	ورسره عرب، گوجر دي
هم ایماق، هم پشه یان	براهوي دي، قزلباش دي
لکه لمر پر شنه آسمان	دا هېواد به تل ځلېږي
لکه زړه وي جاویدان	په سینه کې د آسیا به
وایو الله اکبر وایو الله اکبر	نوم د حق مودی رهبر

بِسْمِ اللَّهِ الرَّحْمَنِ الرَّحِيمِ



مولېنيس وزارتې

پشه یی

۴منگل صنف

چاپس سال: ۱۳۹۹ هـ. ش.

کتبس مشخصتي

مضمون: پشه‌يي

مؤلفين: تعليمي نصابس پشه‌يي دپارتمنتستا درسي کتابلاينا مؤلفين
ايدت کېکالي: تعليمي نصابس پشه‌يي دپارتمنتستا درسي کتابلاينا مؤلفين
صنف: چارمنگل (۴)

متنس جبه: پشه‌يي

انکشاف دېکالا: تعليمي نصابس وشيک او درسي کتابلاينا تاليفس گن رياست

چرگن کېکالا: مولېني وزارتس ارتباط او عامه مولوېنيس رياستي

چاپ سال: ۱۳۹۹ هجري شمسي

ايميل آدرس: curriculum@moe.gov.af

درسي کتابلاينا چاپ، ونټني او لنگنکستا حقي افغانستان اسلامي جمهوريتس مولېني وزارت
پلا محفوظ شي. بازره گورېک او لنگنکي ممنوع سي. سير کنکالي پلا قانوني شاپان با.

مولېني وزيرس پيغمي

اقرأ باسم ربك

گڼ او مهربان الله ﷻ س حمد او شکرستا ادا کېيکس، که امه آنتې زنده گي بخشوي سې، او پريک او لکس گڼ نعمت اودای وڼتوان کېويا آمان، او الله ﷻ س پچوالا پيغمبر حضرت محمد ﷺ که الهي پروالا پيغام تي که (پريک) سې، درود ماکس. کورکم که چېنې تارا سې، ۱۳۹۷ هجري شمسي سال مولېنيس سال نامېدې مسمی بیک. ميسي خاترې اما بيی بايوي وطنستن لړېني او وړېنيس نظمي اساسی بدلېني او تحولتนา شاهدي تې؛ لړيکالا، ياده کېکالا، کتاب، مکتب، ادارا او والدينس شورا، افغانستان مولېنيس نظمستا شه اساسي عناصر باين گورېگا، که لړېني او وړېنيس وشيک او پوراېنې کوچه مهم نقش دارا. انخول مهم گالا کوچه افغانستان مولېني وزارتس دشتلگريس مقام، وطنس لړېني او وړېنيس نظامستا رشد او وشيک شاپان کوچه اساسي تغيرتนา اچيک کوچه متعهد سې.

ميسي خاترې تعليمي نصابس اصلاح او وشېکي مهم اولويتېلايه اودای سن. مندو رکم مکتب، مدرسا او جم دولتي او خصوصي تعليمي نهادېلايه کوچه، درسي کتابلاينا محتوا، کيفيت او توزع آنتې پامېري مولېني وزارتس لمېلاينا سريکه جای دارا. امه باور داراگس، که باکيفيت درسي کتاب داريک دې اورتا، لړېني او وړېنيس اساسي هدفلايني پوله نه باکمان.

اوچېوي هدفلايني پولیک او بکار تعليمي نظام منجه اچيک خاترې، اکالي نسلس وړېکالي حيثېدې، وطنس چېکه اچوتلېکالي لړېکالي، استادان او مسلکی مدیرنه اودای بو احترامېدې اېراکم، که بالکولنې درسي کتابلاينا تدریس، او محتواس گرېني کوچه، هيچ رکم کوششي مه پچه کدن، او اي فعال او ديني، ملي او انتقادي تفکر پلا سنهوي نسلس وړېني کوچه، کوشش کن. هر دواس تعهدس نونگا کېک او مسؤوليت منکس حس پلا، امه نيتهېدې پړنې آنجودن، که نن دواسې بيی بايوي ياده کېکالي وکا اکالا کوچه، پورا پېوا افغانستانس معماران، او جامعاس متمدن او موثر تکاليا تن.

مندو رکم بکار او بيی بايوي ياده کېکالي اودای، که وطنس ارزشوتي سرماييی آن، اېراکم، تا فرصت اودای نپا گورن او ياده کښيس پروسا کوچه کنجکاو، زيرک او فعال وانې گورېکالي پيري، او لړيکالاس احترام پلا، لړيکالا اودای بکار او موثر استفادا کن.

آخر کوچه لړېني او وړېنيس جم مولېکالي او تعليمي نصابس مسلکی همکارنه اودای، که امه کتبس لکيک او آمادا کېک کوچه بو کوشش کېويا سن، منيک کاکم، او گڼ الله ﷻ دربار اودای مې آنتې امه پاک او انسان جوپېکالي پندې کوچه کاميابيا اېراکم.

معياري او پورا پيو مولېنيس نظام او انخول آباد او پورا پيو افغانستان آرزويدي که خلکي تانکواک، مولېکالي او آسودا تې.

مولېنيس وزير

دکتور محمد ميرويس بلخی

فهرست


عنوان.....صفحا

۱	حمد
۴	نعت
۷	چارمنگل صنفی کہ بیی اچي
۱۰	حضرت عمر فاروقس ؓ عدالتی
۱۳	علمس فایدا
۱۶	گوشنگس پاک رشیک
۱۹	لامای زندگی
۲۲	جامعا
۲۵	مکتب
۲۸	کریک ننگبني
۳۱	کتابس اهمیتی
۳۴	بباس نصیحت
۳۷	آپس جب
۴۰	مبوا
۴۳	جواننا اخلا
۴۶	همسایاس حقی
۴۹	چلم او نسوارس زیانی
۵۲	کار کو وظیفه دارا؟
۵۵	آهنگر
۵۸	توک
۶۱	خلکه پلا سمریک

٦٤	ادبي ټوټا
٦٧	افغانان آن
٧٠	متلې
٧٣	شت كډيك
٧٦	حيوانته سره اړ لاوېك
٧٩	ماين اوداى جان چوټلېك
٨٢	نيكي كېك

حمد

هدف: ياده ڪٻڪالي متني بڪارپڙهه او لڪه بادن او الله پاڪس قدرتستا پڻدن.



اوڪٽيلا؟

- ♦ اوڀروالي عڪس بابتہ کہ کو کده بيا؟
- ♦ کي آنتي هر لمي خداي (ج) نامبدي شروع ڪيڪمان؟

رڼا رحيم رحمان آي	ځمڼې مهربان آي
ځمکه مخلوقستې	شته روزي رسان آي
مخلوقې بو آن تېني	تينا تونگهبا ن آي
مخلوق کيا عبادتې	ځمه نې تو سبحان آي
اکرم المخلوقتس	تو عقل د بکالان آي
انسنس هر عضوستا	بيي لّمه و بکالان آي
پورا نه با صفتې	پاچا دو يه جهان آي
بيي مچن کايوا نه سي	همپش حاضر شران آي

پرانس موټي مقصدي:

الله پاک گڼ ذات آس، بندگننا بيي او مچ لّمه شره نظرکېکالا آس او اما کوتي لّمپن به تي اودای کايوا نه شي.

فعاليټېلا:

- ياده کېکالي نظمې اي جني پرتن.
- ياده کېکالي نظمې ډلاکوچه پرتن.
- ياده کېکالي نظمې اي ورې پلاکه پرتن.

ياده کېکالي نظمې اي ورې پلاکه پرتن، اته کلمايه سره گه نه مولېيانن، لړيکالا اودای اوکت کن.

اوکتېلا:

- نظمې مطلبې کي بابته سې؟
- نظمې که دکلمایدې پره بېی؟
- کاو جن نظم لککالي پینیا کو؟
- کیس نظمې ناره نو آلا؟
- نظمې مطلب اودای کاو گتېنا گورېکو؟
- نظمې نثر سره که پرېې بېی؟

یاده کېکالي چار ډلایه سره ونټان بن او تانک کوچه نظمې پرېتن، یان هر ډلاس اي جني صنف پرکناکه نظمې مطلبېستا تانک جېېدې وړې آنتې بیان کدن.

یاده کېکالي نظمې مطلبېستا اودای هروانیا پنج پنج لېن لکن، یان هروانیا تانک لکنستا تانک کویای یاده کېکالا پلا شریک کدن او غلطیا درن. یاده کېکالي اکوړوالي کلمایه جملايه کوچه یتن . (رحیم ، مهربان)

ارزیابي:

- آیا یاده کېکالي متن بکار پره بېچان؟
- آیا یاده کېکالي متنس املی یاده که بېکن؟
- ایا یاده کېکالي الله تعالی وحدانیت بارایه اگت کدچین؟

گوشنگې لام:

یاده کېکالي نظمې مطلب اودای چارچار لېن سدوري خطېدې تانک کتابچایه کوچه لکن.

نعت

هدف: ياده کېکالي متنې بکار پرې او لکه بادن او حضرت محمد ﷺ بکار شخصيت بارايه معلومات استه اچن.



؟ اوکتېلا:

- ◆ اېمه کودن نعت شريف پروو شن؟
- ◆ اوږوالي عکس بابته که کو کده بيا؟

حضرت محمد ﷺ اما پېشوا او رهبرن آس. تي مسلمانان جهالتې، بکار پندې آنتې پندلېږني کېچين.

حضرت محمد ﷺ نېک خوی اوبکار اخلاقنا خاوندې آيیک، ميسي خاترې الله تعالى س مسلمانن پندلېږني خاترې گرېوبی آيیک، مي ايک دې پورا خلک اندارا او غلط پنده شاړوي آيينچ، خو کودن گه حضرت محمد ﷺ خلکنې الله تعالى گرای گرېن بيک، خلک لوش او بکار پندې بلې شاړچين.

يه پنده حضرت محمد ﷺ شره بو سختي وتوي شن، خو تي مه سختي مسلماننه پندلېږني خاترې جانې شره قبول کېويا آينچ.

کووات گه نبي اکرم ﷺ ې دنيا شره امتستا پلا بو کومک اوپندلېږني کېچين، امېمخول آخرت دواس به تانک امتستا شفاعتي کيا.

پرانس موټي مقصدي:

حضرت محمد ﷺ مسلمانن پېشوا او خلکنې ايچ پنده بل شاړيک خاترې پندلېږني کېوي شي، حضرت محمد ﷺ اولي او اخري پيغمبر اس او خلکه بکار **لمه** وېک آنتې گران بواس، جمه انساننه منجه ايگري اچوي شي او آخرت دواسه شفاعتگر آس.

فعاليته:

- ياده کېکالي متنې اي جني دککه پرتن.
- ياده کېکالي متنې ډلا کوچه پرتن.
- ياده کېکالي متنې اي ورې پلاکه پرتن.
- ياده کېکالي متنې اي ورې پلاکه پرتن، اته کلمايه سره گه نه مولېياتن، لړېکالا اودای اوکت کن، يان اکوروالي اوکته آنتې جواب کدن.

اوکتېلا:

- حضرت محمد ﷺ ې کي خاترې بو سختي وتېويا شن؟
- متن کي بابته لکوي شي؟
- متن مطلب اودای کاو فايده گورېکو؟
- الله تعالى ﷻ حضرت محمد ﷺ مسلماننې کو خاترې گرېوبی آيیک؟

ياده کښکالي چار ډلايه سره ونټه‌ان بن او تانک کوچه متنې پردن، يان هر ډلاس اي جني
صنف پرکنا که متنس مطلبستا تانک جېږدې وړې آنتې بيان کدن.

ياده کښکالي متنس مطلبستا اودای پنج لږن لکن، يان هروانيا تانک لکنستاتانک کويای
ياده کښکالاږلا شريک کدن او غلطيا درن.

ياده کښکالي اکوروالي کلمايه جملايه کوچه يتدن.
(پيشوا، بکار، اندارا)

ارزيابي:

آيا ياده کښکالي متن بکار که پره بېچان؟
آيا ياده کښکالي متنس مشکل لغتي تختا شره لکه بېچين؟
آيا ياده کښکالي سبق مفهوم شره مولېکن؟
آيا ياده کښکالي حضرت محمد ﷺ بارايه تانک نظري بيان که بېکن؟

گوشنگي لّام:

ياده کښکالي متنس مطلب اودای چارچار لږن تانک کتابچايه کوچه لکن او اکالي دواس
صنف کوچه پردن.

چارمنگل صنفې که بیې اچې

هدف: یاده کېکالي متنې بکار لکه او پرې بادن او نونګي درسي سالېس پولکستا اهميتي پېندن.



اوکتېلا؟

- ♦ کودن گه صنف کوچه اېرمان گه سبق پرکه انجوېرمان کو باید کده مان ؟
- ♦ اگه اېرمان گه کتابن رون نه چرن کو باید کمان ؟

صنفس شروع بکستا اولوالي دواس آچ، ياده کېکالي هروانيا وارېدي صنفې که اياينچ. سلام وېک دې پتای تانک جايه نياينچ. موتهې شاباس دې پتای لړېکالای کدکن: بيی بايوي ياده کېکالي! چارمنگل صنفې که بيی اچې، خوشحال آم گه يه کال به تانک ياده کېني کوچه کوشش کدا، تا گه کامياب بدا. يان مې اودای اېرکن گه تختا بل تارن، جمه تختا بل پري کېکن، لړېکالای اوکت کېکن گه تختا سره کو لکان بوا شي؟

زرمينای استه اوړې کېکن اوکدکن: (بسم الله الرحمن الرحيم) لکان بوا سي، لړېکالای کدکن گه بو بکار! او تانک اغته آنتې انخول دوام دېکن: بيی بايوي ياده کېکالي! اېمه مولاکو گه امه تانک لمستن اخول سبق پريک، لکيک، اوو اېک او انخول وري لمېلايه گني او مهربان الله ﷺ نامېدی شروع کېکمان. نن گه اېما سبق شروع کېکس اولوالي دواس سي، تانک سبقي گني او بخشکالا الله ﷺ نامېدي شروع کېکمان. اېرياکم گه گني او بخشکالا الله ﷺ امه آنتې يو وس نصبن کې گه تانک ياده کېني بکارکه سره پوله مان. يان پشه يي جبېس چارمنگل صنفس کتاب گه نونگا چاپ بوا آيک، مې سره ونټکن او کدکن: اي اغت يادو نه ني، سه يو گه تانک کتابو بکار که رشدا گه نه چرن او رون منجای نه پن.

سبقس موټي مقصدي:

نونگا کاله صنفې ايک بابته معلومات، هر لمې الله ﷺ نامېدي شروع کېک، سبقس پړکستا طريقا او تانک کتابنا بکار که رشیک بابته معلومات سي.

فعايتېلا:

- ياده کېکالي متنې جانې پلا پرتن.
- ياده کېکالي متنې ډلا کوچه پرتن.
- ياده کېکالي متنې اي وري پلاکه پرتن.

ياده کېکالي اکوروالي اوکته آنتې جواب کدن

- ياده کېکالي صنفې که ايک دنه کو کياينچ؟
- موتهې شاباس دې پتای لړېکالای کو کدکن؟
- لړېکالای ياده کېکالي اودای کو اېرکن؟
- لړېکالای ياده کېکالي اودای کو اوکت کېکن؟
- زرمينای اوکت مقابله کو جواب دېکن؟

- لڙڪالاي يادہ ڪٻڪالي سره ڪوتي ڪتاب وٺيڪن؟
 - امه ٽانڪ لَمبلايه ڪو نامبدي انجويڪمان؟
- يادہ ڪٻڪالي چار ڏلايه سره وٽيان بن، يان هر ڏلاس اي جني صنف پرڪناڪه متنس مطلب بابتہ ٽانڪ جيبيدي وري آنتي معلومات پورا ڪن.

- يادہ ڪٻڪالي اڪوروالي ارہ ڪٽ جملايه مناسب ڪلمايه دي پوردن.
- صنفس شروع بڪستا..... دواس آچ.
 - موتهبي شاباس دي پتاي ڪدڪن.
 - پشه يي جيبيس چارمنگل صنفس گه نونگا چاپ هوا آيڪ.
- يادہ ڪٻڪالي اڪوروالي ڪلمايه جملايه ڪوچه يتدن.
(صنف ، دواس ، لڙڪالا)

ارزيابي:


- آيا يادہ ڪٻڪالي متني بڪار پرہ بيڪن؟
- آيا يادہ ڪٻڪالي متنس امليي يادہ ڪه بيڪن؟
- آيا يادہ ڪٻڪالي متن مفهوم بارايه اغت ڪده باغن؟
- آيا يادہ ڪٻڪالي متنس مشڪل لغتنا معنيي يادہ ڪه بيڪن؟

گوشنگي لام:

- اڪوروالي لغته معنا او يان موتهبي جملايه ڪوچه يتدن.
(آنجويڪ، سبق، اپريڪ)

حضرت عمر فاروقؓ عدالتي

هدف: ياده کيکالي متني پړه او لکه بادن، نونگي لغته سره مولان او حضرت عمر فاروقس عدالت بارايه معلومات پيدا کن.



اوکتېلا؟

- ♦ حضرت عمر فاروقؓ پېنيکو؟
- ♦ حضرت محمدﷺ يارنه اودای فاروق لقب کي آنتې دان بوي سي؟
- ♦ حضرت ابوبکر صدیقؓ دې پتای که مسلما نننا دشتا تعين بيک؟

حضرت عمر فاروق ؓ حضرت محمد ﷺ س دومنځل ياره آيېک. اصلي نامه عمر او بېستا نامه خطاب سې. حضرت محمد ﷺ گرای فاروق لقب دان بوي سې، يو (۲۹) کالا اسلام مبارک دين سره مشرف بوا آس. حضرت عمر فاروق ؓ تانک بو وختي حضرت ابوبکر صدیق ؓ پيري حضرت محمد ﷺ س خدمت او انډيوالي کوچه وتېويا سې.

کودن که حضرت عمر فاروق ؓ اسلام مبارک دين سره مشرف بېک، اسلام مبارک دينې بو قوت پيدا کېکن. مندور کمېدې حضرت عمر فاروق ؓ بو غزا کېويا سن او الله ﷻ بو کاميابي نصبي کېويا سن. تانک خلافت کالا کوچه انخول گن اسلامي لمېلا کېويا سن گه اسلامي دنيا کوچه مثال نه دارا. مندو رکمېدې حضرت عمر فاروق ؓ بو وطنېلا فتح کېويا سن او خلک اسلام مبارک دين سره مشرف کېويا آن. عدالت کوچه جهاني نام دارايېک. دې کال، شه مای او پنج دواس مسلمانننا خلیفا آیک او هجرتس وستوچارمنځل کاله (۶۳) کالا عمر کوچه نماز دنه ابولولو نام جنې گرای لیارا او تي دې پتای يان شهادته پولیک.

سبقس موټي مقصدي:

حضرت عمر فاروق ؓ مسلمانننا دومنځل ډشتا آیک. مي تانک کالا کوچه بو بکار عدالت منجې که اچويا آچ، بو بو غزا کېويا سن گه تانک وخت کوچه بو کاميابي به استه اچويي سې.

فعاليټېلا:

- ياده کېکالي متنې اي جني دککه پرتن.
- ياده کېکالي متنې ډلا کوچه پرتن.
- ياده کېکالي متنې اي ورې پلا که پرتن.
- ياده کېکالي متنې اي ورې پلا پرتن او اته کلميه سره گه نه مولېياتن، لړېکالا اودای اوکت کن.

ياده کېکالي اکوړوالي اوکته آنتې جواب کدن.

- حضرت عمر فاروق ؓ حضرت محمد ﷺ س کاو منځل ياره آيېک؟
- حضرت عمر ؓ س بېستانامه کوچک آیک؟
- حضرت محمد ﷺ گرای حضرت عمر ؓ آنتې کو لقب دان بوي سې؟
- حضرت عمر ؓ کاو کالا که مسلمان بوا آس؟
- حضرت عمر (رض) ې تانک بودني کي پلا وتېويا سې؟

- حضرت عمر(رض) س مسلمان بيڪ دي پتاي اسلامي ڪو پيدا ڪيڪن؟
- حضرت عمر(رض) غزا ڪوچه وانٽ گورپويي سي؟
- تانڪ خلافت دورا ڪوچه ڪولمبلا سره پولپويا سن؟

ياده ڪيڪالي ڏلايه سره وٽيان بن، متني پرتن يان هر ڏلاس اي جني صنف پرڪنا
 ڪه متنس مطلب بابت تانڪ جيبيدي وري آنتي معلومات پورا ڪن.

ياده ڪيڪالي اڪوروالي اڙه ڪٽ جملاينا خالي جاينستا مناسب ڪلمايه دي
 پورڊن.

- حضرت محمد ﷺ گراي لقب دان بوي سي.
- اسلام مبارڪ ديني بو پيدا ڪيڪن.
- حضرت عمر فاروق ؓ بو ڪپويي سي.
- حضرت عمر فاروق ؓ بو وطنبلا ڪپويا سن.

ياده ڪيڪالي اڪوروالي لغته جملايه ڪوچه يتدن.
 (خدمت ، انڊيوال ، وٽيڪ)

ارزيايي:


- آيا ياده ڪيڪالي متني بڪار ڪه پڙه ببيڪن؟
- آيا ياده ڪيڪالي متنس مفهوم سره مولپڪن؟
- آيا ياده ڪيڪالي نونگي لغته جملايه يتي ببيڪن؟

گوشنگي لام:

ياده ڪيڪالي حضرت عمر فاروق ؓ بڪار لَمه بارايه ڪاو خط ڪتابچايه ڪوچه لڪن او اڪالي
 دواس صنف ڪوچه پردن.

علمس فايدا

هدف: ياده کيکالي متنې لکه او پرې بادن او علمس فايدستا درک کدن او تي استه اچيک خاتري کوشش کن.



اوکتېلا؟

- ◆ امه کي آنتې علم ياده کاگمان ؟
- ◆ اېمه اته خلکه گه علم او مولېني ياده کېوي تې او بې علم خلکه منجه کوتي فرق کې باگو؟
- ◆ اېمه ابوريحان البيروني پېنيکو؟

اي شلدار جن لک حالت کوچه چنوا آيیک، اي دواس ميس اي هوشيار او مولېکالا انډيوالي اوکتي پېک. ناساز جنې تانک انډيوالي مېکن: مم ايکه علمي موضوع بابت ته تېنه اودای معلومات اېروام آيیک؟ ته انډيوالستا کدکن: تو خو ابت بو ناسازای. الله ﷻ خبرآس اگه بيی بي! مه موضوعس مولېکي تېنه آنتې ضروري شې نه سې. مي کدکن: يو بکار سې گه مولېکالا که لم، نه گه نه مولېکالا که، تېنا يو اربوای نه سې؟ گه: علمس ياده کېک مسلمان سره زانگو دې تا قبرجا لازم سې. يو شلدار ابوريحان البيروني آس گه بو علمي آثار مي اودای دروی اوميسي نامه سن. تجورکنا پېنيک، طبابت، رياضيات، تاريخ، جغرافيا، دواس پېنيک، ملتنا ادب او وونا گه ابت به دنياش بو جايه کوچه اوديا فايدا گورېن با. يو ناملا مولېکالا زندگيس آخري جا ياده کېني مچوا آيیک.

سبقس موټي مقصدي:

علمس ياده کېک سره تاکيد او ابوريحان البيروني او تيس علمي آثارنا اوچېني گه ابت به خلک اوديا فايدا گورېن او هر انسان آنتې درکار شې گه ياده کېني کې.

فعاليتېلا:

- ياده کېکالي متنې دککه پرتن.

- ياده کېکالي متنې ډلا کوچه پرتن.

- ياده کېکالي متنې اي ورې پلا که پرتن.

ياده کېکالي متنې تانک کوچه دککه پرتن او اته کلمايه سره گه نه مولېياتن، لړېکالا اودای اوکت کن.

ياده کېکالي اکوروالي اوکته آنتې جواب کدن.

- ابوريحان البيروني تانک انډيوالستا اودای کيس اوکتي کېکن؟

- حضرت محمد ﷺ مې علم بابته کو کدويی سې؟

- ابوريحان البيروني اودای کوتي آثاردروی سن، نامنستا اوچدا؟

- شلدار جن کوتي حالت کوچه چنوا آيیک؟

- میس مولېکالا انډیوالی کی آنتې پېوا آییکی؟
- ناساز جنې تانک انډیوالستا اودای کو اېرویی آییکی؟
- یو ناساز شلدار جن که آییکی؟
- ناساز جنې یاده کېک بابتہ کو کدکن؟
- یاده کېکالی چارډلایه سره ونټان بن او هر ډلاس ای جنی صنف پرکنا که ای او متنس مطلب بابتہ تانک جبېدې وړې آنتې معلومات پوړا کن.
- یاده کېکالی متن اودای دو دو لېن تانک کتابچایه کوچہ املا لکن او یان تانک کویای جنې پلا ای وړی کوچہ غلطیا درېدن.
- یاده کېکالی اکوړوالی اړه کټ جملاینا خالی جاینستا مناسب کلمایه دې پوردن.
- ای شلدار جن..... کوچہ چنوا آییکی.
- مم ایکه علمی..... بابتہ تېنہ اودای معلومات..... آییکی.
- تو ایت بو..... آی.
- علمس یاده کېک مسلمان سره..... دې تا..... جا لازم سې.
- یاده کېکالی اکوړوالی کلمایه جملایه کوچہ یتدن.
- (انډیوال ، اوکت ، ناساز)

ارزیابی:

- آیا یاده کېکالی متن پریک سره مولېکن؟
- آیا یاده کېکالی نونگی لغتہ جملایه یتې بېیکن؟
- آیا یاده کېکالی سبقس مفهوم سره مولېویی سې؟

گوشنگی لام:

- یاده کېکالی علمس مفهوم بابتہ پنچ لېن سدوري خطېدې تانک کتابچایه کوچہ لکن او وړی دواس صنف کوچہ پردن.

گوشنگس پاک رشیک

هدف: ياده کېکالي متنې پړه او لکه بادن او گوشنگس پاکي سره مولان.



اوكټېلا؟

- ◆ محيط کي آنتې کدن با؟
- ◆ اي گوشنگه که زندگي کاگن؟
- ◆ گوشنگس پاکگري او صحتس رشیک کوچه اېما وظيفو کو سې؟

جم اته شی گه اما کنه سنان موجود سن محیط نامېدې یاده با. انسانس زندگستا اولوالا کنه سنا تانک گوشنگي سې، هرکي آنتې تانک گوشنگي بو گران سې، گوشینگ اي پوگلس جم اعضنستا اکتو تک جایه سې. مم تانک گوشنگېس پاکگري آنتې بو پامدارني کاگم. مېني لایم اوسېم به گوشنگېس پاکگري آنتې بو پامدارني کاگن. مي خاترې گه اما صحتن بکار تې او ناسازیس دوره درېوان تې باید گوشنگس پاکگري آنتې بو پامدارني کمان.

حدیث شریف کوچه اوا سې (پاکي ایمانس ونټه سې) مي خاترې گه اما وېرېن جوړ تې، ضروري سې گه گوشنگس کنه سنا یا محیطس پاک رشیک آنتې امه اکوروالي ټکې پام کوچه درمان.

- ۱- گوشنگې که پاک هوا او سورېس لسه پولاتې.
- ۲- حویلي پاک رشان بې.
- ۳- جنگل او مېواینا چکه باید اي معلوم جایه وان بن او هر جایه وېکس دوره دران بې.
- ۴- بالکول باید انخول عادت بن گه اودس مورېک دې پتای استه اونجنا او پاک ورگېدې اونجندن.
- ۵- ککوړ او وري مال گوشینگ دې لېره کوتي معلوم جایه رشان بن.
- ۶- منجنه چیلا، کمپل، کچانگار، روجایی، توشک او گوشنگس فرش باید پاک رشان بن او کم زرکم جمعا کوچه اي وار سورې وان بن تا گه میکروبي منجای پن.

سبقس موټي مقصدي:

محیطس پاک رشیک او تانک گوشنگ او کنه سنپاکي آنتې پامدارني او وانټ گورېک او میس صحت پلا رابطا انسانس زندگستا پورا نېک کوچه بکار رول دارا، مي خاترې گه کمې ناساز نه بن، باید پورا که تانک نظافت آنتې پامپري کن.

فعالیتبلا:

- یاده کېکالي متنې دککه پرتن.
- یاده کېکالي متنې ډلا کوچه پرتن.
- یاده کېکالي متنې اي وري پلا که پرتن.
- یاده کېکالي متنې تانک کوچه پرتن او اته کلمايه سره گه نه مولېياتن، لړېکالا اودای اوکت کن.

ياده کېکالي اکوروالي اوکته آنتې جواب کدن.

- گوشنگې برېنک کي آنتې سورې وان بن؟
- اما کنه سنان کو نامېدې ياده با؟
- انسانس اولوالا کنه سنا کوچک نام دارا؟
- گوشنگ کيس تک جايه سې؟
- گوشنگس پاکگري آنتې کو لام درکار سې؟
- ناسازيس دوره درېک آنتې کو لام سره پولان گوري؟
- حديث شريف کوچه نظافت بابته کو کدان بوا سې؟
- گوشنگې يتينه برېنگ کاو گالا کوچه سورې وان گورن؟

ياده کېکالي دلایه سره ونټان بن اومتني پرتن، يان هر دلاس اي جني، صنف پرکنا که متنس مطلب بابته تانک جېدې وري آنتې معلومات پورا کن.

ياده کېکالي دو دو لېن متن اودای املا لکن او يان تانک کويای جني پلا اي به وري کوچه غلطیادرن.

ياده کیکالي اکوروالي اړه کټ جملاینا خالي جاینستا مناسب کلمایه دي پوردن.

- جم اته شی گه اما کنه موجود سن.
- هرکي آنتې تانک بو گران سې.
- گوشینگ اي جم اعضنستا اکتو سې.
- مي خاتري گه اما جوړ تي.

ارزيابي:

- آيا ياده کېکالي متني پړه بېکن؟
- آيا ياده کېکالي نونگي لغتنا معنا سره مولياگن؟
- آيا ياده کېکالي متنس مفهوم سره مولبويی سې؟

گوشنگي لام:

ياده کېکالي تانک نامه او وري گوشنگوالا يا همصنّفبنا نامه تانک کتابچايه کوچه لکن او وري دواس صنف کوچه پړدن.

لامای زندگی

هدف: یاده کېکالي متنې لکه او پړه بادن، نونګي لغتنا معناسره مولان او لامای زندگی پلا
آشنایي پیدا کن.



اوکتېلا:

- ◆ لامنا پلا کووات وضعیت درکار سې؟
- ◆ اوږوالي عکس کوچه کو لشیاکو؟
- ◆ لامای زندگی بابتہ کو کده باکو؟

اي دواس لږېكالاى ياده كېكالي اوداى اوكت كېكن گه لامنا معنا سره مولاكو؟ اي ياده كېكالاى چې دې پرېل استه اوږې كېكن او كدكن: اته لامه گه امه زندگي كاگمان چوپردين همسايه اما لامنان باين بېن. لږېكالاى كدكن: بالكوله! امه جم لامه زندگي كاگمان چوپردين همسايه گه تانك آن يا بېگانا، امه سره همسايه گريس حق داريان، كووات گه تانك گوشنگوالايه آنتې خدمت كېنيس مسووليت داريانگمان. مندو ركمېدې تانك لامنايه آنتې به مسوول امان گه ملتنا مينا دارمان، تېنا مشكلته آنتې جانستن پولمان، او تې پلا كومك كمان، امه بايد لامناينا غم او خوشحالي كوچه شريك تمان او تې پلا خوشحالي، لېونگري او باييشټگري كوچه زندگي كمان.

سبقس موټي مقصدي:

لاماى زندگيس خصوصيات سره مولېك او همسايه پلا بكار وضعیت سره پولېك، هر كي آنتې ضروري سې. هر كمې بايد لامناينا غم او خوشحالي كوچه وانټ گورن.

فعاليتېلا:

- ياده كېكالي متنې دككه پرتن.
- ياده كېكالي متنې ډلا كوچه پرتن.
- ياده كېكالي متنې اي وړې پلاكه پرتن.

ياده كېكالي متنې اي وړې پلاكه پرتن او اته كلمايه سره گه نه مولېياتن، لږېكالا اوداى اوكت كن.

اكوړوالي اوكته آنتې جواب ددا:

- لږېكالاى ياده كېكالي اوداى كو اوكت كېكن؟
- لامنا معنا سره كي مولېيكن؟
- لامناكي آنتې كدا؟
- چوپردين همسايه سره كو حق دارا؟
- لامنايه پلا كوركم زندگي كمان؟
- لامنايناغم اوخوشالي كوچه كوكمان؟
- امه جم چو زندگي كاگمان؟

ياده کېکالي چار ډلايه سره ونټان بن او هر ډلاس اي اي جني صنف پرکناکه متنې
سوال او جواب رکمېدې اي ورې پلا اغت کدن.

ياده کېکالي متن اودای پنج لېن تانک کتابچايه کوچه لکن.

ياده کېکالي اکوروالي اړه کټ جملينا خالي جاينستا مناسب کلمايه دې پوردن.

- اي دواس لړېکالای ياده کېکالي اودای کېکن.

- لامنا سره مولاکو؟

- امه جم زندگي کاگمان.

- مندو رکمېدې تانک لامنايه آنتې به آمان.

ياده کېکالي اکوروالي کلمايه جملايه کوچه يتدن.

(زندگي، همسايه، لړېکالا)

ارزيابي:

آيا ياده کېکالي متنس مفهوم سره مولبوي سې؟

آيا ياده کېکالي متنې پړه بېيکن؟

آيا ياده کېکالي نونگي لغته جملايه کوچه يتې بېيکن؟

گوشنگی لام:

ياده کېکالي لامای زندگي بابته اي موټا مقالا لکن او اکالي دواس صنف کوچه پردن.

جامعا

هدف: ياده ڪيڪالي متني پڙهه او لڪه بادن او تانڪ جامعا بابت معلومات پيدا ڪن او مه
جامعا جو پيڪ خاتري بڪار احساس جاني ڪوچه تقويا ڪن.



اوتبلا؟

- ◆ ڪده باكو گه جامعا ڪي آنتي ڪدن با؟
- ◆ اوڙوالي عڪس ڪوچه ڪو لشيا ڪو؟
- ◆ جامعا ڪو خاتري ڪسبي خلڪني ضرورت دارا؟

اي جامعاس خلکي کېولا جانېدې جم ضرورتستا پورا کې نه بېيکن، ميسي خاترې اي ورې پلا کومک او سمپړک آنتې ضرورت دارياگن. جم اته خلک گه اکتو زندگي کاگن او اي جامعا جويپياگن گه سه انساني جامعا نا مېدې ياده با. انساني جامعا کوچه جم خلک بکار زندگي کېک خاترې کوشش کاگن. اخول لړېکالا، داکتران، انجينران، تجاران، خپنگران، تشانان او انخول وري اکتو اي ورې آنتې لَام کاگن او اي وريس ضرورتي پورا کييکن. مثال رکمېدې اگه واپيتېکالا نه تې، تشان لَام کې نه بيا او مه دوکه يان داکتر آنتې ضرورت دارېن. مندو رکمېدې اي وريس ضرورتستا پورا کييکن. هر کاو گه اي جامعاس خلکي اي چپوتا او اي ورې پلا اړاوېني داراتن. سه جامعا پورا پيا. بکار او وشموي زندگي آنتې اساني برابر با. انخول جامعا کوچه خلک خوشحال او باييشتگري پلا زندگي کاگن او اي ورې آنتې بو نپا پولياگن.

سبقس موټي مقصدي:

جامعا کوچه اکتو زندگي کېکس طريقا او اصول شره مولېک او بشري جامعا کوچه اي وري پلا سمپړکس اهميتستا سره مولېک سې گه مه لمې سره عمل کېکېدې، انساني زندگي کوچه بو لوهاني منجې که اچي، اخول کسبگره پيري گه اي ورې آنتې لَام کياگن.

فعاليته:

- ياده کېکالي متنې دککه پرتن.
- ياده کېکالي متنې ډلا کوچه پرتن.
- ياده کېکالي متنې اي ورې پلا که پرتن.
- ياده کېکالي اکوروالي اوکته آنتې جواب کدن.
- اي جامعاس خلکي تانکې ضرورتي کووات که پورا کييکن؟
- ضرورتس پورا کېک خاترې اي وري پلا سمپړک کو اهميت دارا؟
- جم کسبي خلک اي ورې آنتې کووات که لَام کاگن؟
- اي جامعاس خلکنا کووات که آرام زندگي نصبي با؟
- جم اته خلک گه اکتو زندگي کاگن کو جويپياگن؟
- انساني جامعا کوچه خلک کي آنتې کوشش کاگن؟
- اگه واپيتېکالا نه تې تشان کووات که لَام کې نه بيا؟
- داکتر آنتې کاو ضرورت سې؟

ياده کېکالي ډلايه سره وټټان بن او متني پرتن، يان هر ډلاس اي جني صنف پرکنا
متنس مطلبستا تانک جبېدې وري آنتې بيان کدن.

ياده کېکالي متنس مطلب اودای دو دو لېن تانک کتابچايه کوچه لکن او يان هر
وانيا تانک لکنستا اصلاح کېک آنتې تانک کويای جني پلا شريک کدن يعنی اي
وري پلا تانک لکنستا غلطيا درن.

ياده کېکالي اکوروالي اړه کټ جملينا خالي جاينستا مناسب کلمايه دې پوردن.
- اي جامعاس خلکي کېولا..... جم ضرورتستا پورا کې نه بېيکن.
- ميسي خاتري اي وري پلا..... او..... آنتې ضرورت دارياگن.
- جم اته خلک گه..... زندگي کاگن اي..... جوپياگن.
- انساني جامعا کوچه جم..... بکار زندگي کېک خاتري..... کاگن.

ياده کېکالي اکوروالي کلمايه جملايه کوچه يتدن.
(ضرورت، پورا، کومک)

ارزيابي:

آيا ياده کېکالي متني بکارکه پره بېيکن؟
آيا ياده کېکالي نونگي لغتنا معنا سره مولياگن؟
آيا ياده کېکالي متنس مفهوم سره مولبوي سې؟

گوشنگي لام:

ياده کېکالي متن اودای پنچ لېن سدوري خطېدې تانک کتابچايه کوچه لکن.

مکتب

هدف: ياده کېکالي متنې لکه او پړه بادن او مکتبس اهميت شره مولان.



اوکتېلا:

- ♦ اوړوالي عکس کوچه کو لشياکو؟
- ♦ کودن گه مکتبې اېدا، کوتي لّمه بايد شره پولېدا؟

مکتب مولېک او ورلېکس جایه سې، اګه اي ياده کېکالا تانک سبقستا کوچه کوشش کېيا، تانک اخلاق او حرکتستا آنتې پام کېيا، کومې ګه مکتبه پرا، تي سره عمل کېيا، دنې آنتې ارزش دېبې، ګڼينچ او ورېنا احترامې کېيا. تانک وېرستا، چيلا او محيطس نظافت آنتې پامدارني کېيا. تيس مکتبې که پېکس مقصد سره مولېوې سې.

مکتب اخول اما گوشنگن سې. کووات ګه گوشنگ پام کاګمان ګه جای نه نشې، هر تلني پاک او صفا تې، شيشا، راديو، تلویزيون او وري برېنگ نه موړن، چمېر نه بن او گوشنگې جن امه اودای خوشحال تن، مکتبه به کوشش کمان ګه مکتبس سامان او برېنگ اخول چوکي، مېز او تختا نه موړن، مکتبس پينچا او کرکستا نه نایمان، تا ګه مکتب پاک او اليني تې، مکتبس سامان او برېنگه همېش بايد پاک او صفا رश्مان او مکتبس قاعدا او قانون اودای خوشحاليدې اطاعت کمان.

سبقس موټي مقصدي:

مکتب پرنيس اهميت او فايدا سره مولېک، مکتبس نظافت او وري شينا رشیکس ضرورت بابته معلومات استه کوچ کېک سې او هر ياده کېکالا آنتې بو ضروري سې ګه مکتبس جم شيه اخول گوشنگې برېنگه پيري رشدن.

فعاليټېلا:

- ياده کېکالي متني دککه پرتن.
- ياده کېکالي متني ډلا کوچه پرتن.
- ياده کېکالي متني اي وري پلاکه پرتن.

ياده کېکالي متني اي وري پلاکه پرتن او اته کلمايه سره ګه نه مولېياتن، لړېکالا اودای اوکت کن.

ياده کېکالي اکوروالي اوکته آنتې جواب کدن.

- مکتب کيس جایه سې؟
- بکار ياده کېکالا کومې ګه مکتبه پرا، تي سره کو کېيا؟
- ياده کېکالي تانک ګار او محيطس نظافت آنتې کو کاګن؟
- مکتب اخول کي پيري سې؟
- مکتب آنتې کي پيري پام درکار سې؟

- مکتبې پینچا او کرکه پلا کو لام باید بې؟
- مکتبس سامان او برینگه کو رکم که رشان؟

یاده کېکالي ډلایه سره وټان بن او متنې پرتن، یان هر ډلاس اي جن، صنف پرکنا متنس مطلبستا تانک جبېدې وړې آنتې بیان کدن.

یاده کېکالي اکوروالي کلمایه جملايه کوچه یتدن.
(وړلېک، سبق، اخلاق)

ارزیابي:

- آیا یاده کېکالي بکارکه متنې پره بېکن؟
- آیا یاده کېکالي متنس مفهوم سره مولېویی سې؟
- آیا یاده کېکالي نونگي لغتنا معنا سره مولیاگن؟


گوشنگې لام:

یاده کېکالي متنس مطلب اودای چار چار لېن سدوري خطېدې تانک کتابچایه کوچه لکن او وړي دواس صنف کوچه پردن.

کړیک ننگېني

هدف: ياده کېکالي متنې لکه او پره بادن او وطن اليه تاني او آبادي اهميت شره پېنن او کړکني پامدارني کن.





اوکتېلا:

- ♦ اوږوالي عکس کوچه کو لشياکو؟
- ♦ آيا کړکنا مورېکي بکار لام سې ؟
- ♦ کړکه کووات که رشان ؟

اما بېی بایوي وطن کوچه کړیک ننگېني هر کال نوروز یا حملس اول دواسه، خوشي او خوشحالي پلا انجوان با. کووات گه اماوطن ختنیس وطن سې. جم خلک ختنې او کړیک ننگېني پلا بو علاقا داریاگن.

ختنيس وزارت اي گنات مېوادارکالي او بې مېوا (اولي) کړیک اندو که خلکه دېيکن گه مه کړکه مناسب جایه ننگتن تا گه اما وطن اليني او آبادې.

محمود او کریم دوکه مکتبس یاده کېکالیا، اي گنات تانک اضافي کړکي مکتب آنتې دېچین، یاده کېکالې، لام کېکالې او لړېکالې اکتوکه کړیک مکتبس مناسب جایه ننگېچین. مکتبس مدیري تانک اغته کوچه کدکن: کړیک ننگېک بو اهمیت دارا، عمومي سرکه اوشتې، کړیک ننگېک اما وطنې سدوري کېی. اگه هرجن تانک کاریز اوکټایه کوچه کړیک ننگې، امه باید ته ننگیوي کړکنارشیک کوچه وانټ گورمان او ورې به سمپرمان گه کړیک ننگېک او تېنار شیک کوچه وانټ گورن. آخري که یاده کېکالې کړکنا رشیک خاترې سمپرکس وعدا کېکن.

سبقس موټي مقصدي:

کړیک ننگېنيس اهمیت اوگټناسره مولېک او خلکه پلا یه بابتیه کومک کېک اسه بکار لام سې گه اما کنه سنان سدورا با، امه اغتس کدیکي بو ضروري سې گه کړکنا ننگېک پلا که تېنا بکار پامدارنیا به بو حتمي سې.

فعالیتبلا:

- یاده کېکالي متنې دککه پرتن.
- یاده کېکالي متنې ډلا کوچه پرتن.
- یاده کېکالي متنې اي ورې پلاکه پرتن.

یاده کېکالي متنې اي ورې پلاکه پرتن او اته کلمايه سره گه نه مولېياتن، لړېکالا اودای اوکت کن.

ياده کېکالي اکوروالي اوکته آنتې جواب کډن.

- کوتي فصله کړېک ننگېني سره پولا؟

- امه وطنې خلک کي پلا علاقا دارياگن؟

- ختنيس وزارت خلکه کي آنتې اندوکه کړېک دېکڼ؟

- دان بوي کړېک مکتبه کي گرای ننگان بينچ؟

- اما وطن ختني آنتې کووات سې؟

- محمود او کریمي مکتب آنتې کو شی دېچين؟

- کړېک ننگېک کي آنتې اهميت دارا؟

ياده کېکالي ډلايه سره ونهان بن او متني پرتن، يان هر ډلاس اي جني، صنف

پرکناکه متنس مطلب بابته تانک جبېدي وړې آنتې معلومات پورا کن.

ياده کېکالي کړېک ننگېنيس اهميت بابته پنج لېن تانک کتابچايه کوچه لکن، يان

تانک لکنستا کويای جني لړېدن او اي وري کوچه لکنيس غلطيا درن.

ياده کېکالي اکوروالي اړه کټ جملايڼا خالي جاينستا مناسب کلمايه دي پوردن.

- کووات گه اما..... ختنيس وطن سې.

- جم خلک کړېک ننگېک پلا بو..... دارياگن.

- مکتبس مديري تانک کوچه کډکن.

- عمومي سرکه اوشتې اما وطنې سدوري کېبي.

ارزيابي:

آيا ياده کېکالي متني بکارکه پرېه بېيکن؟

آيا ياده کېکالي کړېک ننگېنيس اهميت سره مولېکن؟

آيا ياده کېکالي نونگي لغته جملايه کوچه يتي بېيکن؟


گوشنگي لام:

ياده کېکالي کړېک ننگېني بابته اي موټا مقالا تانک کتابچايه کوچه لکن او اکالي دواس

صنف کوچه پردن.

کتابس اهمیتي

هدف: یاده کېکالي متنې لکه او پړه باتن او کتابس اهمیتي پېندن.



اوکتېلا:

- ◆ که کده بیا گه کوتې کتبه بو پړیکو؟
- ◆ آیا مولاکو کودن گه کتاب پړیاکو، کوبا؟
- ◆ که اېرا گه کتاب لنگنیک دوکانې کتاب گورې؟

کتاب یاده کېک او معلومات بوکېکس اساسي وسیلی سې. کتبس پټکه کوچه کسا، شعر او بو وري بکار پرکس وړ شی لکان بوي سن. کتبې هر که گه پردن بو بو شی یاده کېا. کتاب تانک خلکنې، وطن، ترقی، پوراپېني اومولېکالي خلکنا تاریخ بابته معلومات پورا کېا او اېمني سانگ، تال، نندي، دار، جنگل او هر شی بابته اغت کېا او اېما مولېکستو بو کېی. ایلای خلک مي آنتې چراغ کدیاگن، کووات گه چراغ گوشنگې لش کېی، کتاب به اېرن خلکنا انچنستا لش کېی تا گه پره او لکه بان. میسي خاترې که چودې کتاب نه تنای جم علوم اي گالا وټیک پلا منجای پیاينچ.

سبقس موتي مقصدي:

کتاب اهمیت سره مولېک، کتاب پریک پلا عادت پیدا کېک او تي اودای بیلابیل ونټه کوچه معلومات استه کېک، اسه بکار لام سې گه مي گرای خلکنا انچیا لش بیانگ او گوشنگې به لش اوملتنا که چراغ علومنا ساتلېکالی سې.

فعالیتبلا:

- یاده کېکالي متنې دککه پرتن.
- یاده کېکالي متنې اي وري پلاکه پرتن.
- یاده کېکالي متنې تانک ډلا کوچه پرتن.

یاده کېکالي متنې اي وري پلاکه پرتن او اته کلمایه سره گه نه مولېياتن، لړېکالا اودای اوکت کن.

یاده کېکالي اکوروالي اوکته آنتې جواب کدن.

- کتاب کیس وسیلی سې؟
- کتاب پټکه کوچه کو شی لکان بوي سن؟
- کتاب پره کېدی کو شی یاده با؟
- کتاب خلکنې کو شی بابته معلومات دیا؟
- کتاب اېمه پلا کي بابته اغت کېا؟

- کتاب اېما کوچکستو بو کبېی؟
- ایلاي خلک کتاب آنتې کوچک کدیاگن؟
- تا ایت جا کاو کتاب پروو سن؟

یاده کېکالي متنې تانک ډلا کوچه پرتن، یان هر ډلاس اي جني صنف پرکنای که اي او متنس مقصدستا، هر کوتي سادي جبېدي بيان کدن.

یاده کېکالي متن اودای دودو لېږن املا لکن، یان هر جن تانک لکوي متنې تانک کویای جن آنتې لړوبدن او هر کوتي اي ورېس غلطیا درېچال بن. یاده کېکالي اکوړوالي اړه کټ جملاینا خالي جاینستا مناسب کلمايه دې پوردن.

- کتاب یاده کېک او معلومات بو کېکس وسیلی سې.
- کتبې هر که گه بو بو شی کېا.
- کتاب اېما مولېکستو کېی.
- ایلاي خلک مي آنتې کدیاگن.

اکوړوالي لغته معنا دې پتای جملایه کوچه یتدن.
(کتاب، وسیلا، پتیک)

ارزیابي:

- آیا یاده کېکالي متنس پریک سره مولېکن؟
- آیا یاده کېکالي متنې یادي که لکه بېیکن؟
- آیا یاده کېکالي متنس مفهوم سره مولېکن؟
- آیا یاده کېکالي نونگي لغته جملایه یتي بېیکن؟


گوشنگي لام:

یاده کېکالي متنس مطلب اودای چارچار لېږن سدوري خطېدي تانک کتاچایه کوچه لکن او وري دواس صنف کوچه پردن.

بباس نصیحت


هدف: ياده کېکالي متنې لکه او پړه بادن، متن مفهوم شره مولان او آيي او تاتيس نصیحت سره عمل کن.





اوکتېلا:

- ◆ عکسي لشد، يه بابته که کو کده بيا؟
- ◆ هنر يا کمال بابته کو مولاکو؟
- ◆ اېمه کوتې هنر يا کمالې بېي بايیکو؟



اي عالم او مولېکالا تانک اوښتای که نصیحت کیایک تي کدکن: ای بالکوله! هنر یا کمال یاده کې ګه دنیاس مال او جایداد اعتبارس وړي نه سې. زر همېش خطرپلا دوراندور سې چور اي وار که نېبي، یا خاوندی کم کم یتېبي. خو کمال او بېکالي انچرک سې او دوام کېکالي دولت.

که چودې کمال والا اودای دولت شوې، غم نه سې ګه کمال تانک ذات کوچه دولت سې، هر جایې که ګه پیا قدری با، اوړې که نېبا او بې کمال، کوار چوتیا او سختي لشا.

سبقس موټي مقصدي:

ببا گرای نصیحتس منیک او تیس اهمیت او فایدا سره مولېک، اسه بکار لام سې ګه زندگیس جم مشکلي لوهان با او تانک زندگی کوچه کمال یاده کېک، دولت دې بو بکار او دوام کېکالاسې.

فعالیتبلا:

- یاده کېکالي متنې دککه پرتن.

- یاده کېکالي متنې ډلا کوچه پرتن.

یاده کېکالي متنې اي وړې پلاکه پرتن او اته کلمایه سره ګه نه مولېپاتن، لړېکالا اودای اوکت کن.

یاده کېکالي اکوړوالي اوکته آنتې جواب کدن.

- مولېکالا جن کي آنتې نصیحت کیایک؟

- عالم او مولېکالا جنې تانک اولادي کي آنتې سمرېچین؟

- زر کور کم خطر پلا دوراندور سې؟

- مال او جایداد کي آنتې اعتبارس وړي نه سې؟

- کمال کي آنتې مالې دې بکار سې؟

- که چودې کمال والا اودای دولت شوې کو با؟

- کمال تانک ذات کوچه کو شی سې؟

- بې کمال جن کو شی کېیا؟

ياده کېکالي متنې تانک ډلا کوچه پرتن، يان هر ډلاس اي جني صنف پرکنای که اي،
متنې اي ته ورې آنتې انخول رکم که پرتن، اخول کمې گه کي آنتې نصيحت کياتې،
موتېا يوگه، متنې دو جن تمثيل رکم که پرتن.

ياده کېکالي متن اودای نونگي لغته تانک کتابچايه لکدن او معنا کېک دې پتای
جملايه کوچه يتدن.

ياده کېکالي اکوروالي اړه کت جملاينا خالي جاينستا مناسب کلمايه دې پوردن.
- مولېکالا جن تانک اوينستای که کيايک.
- دنياس مال او جايداد وړي نه سې.
- زر همېش پلا دوراندور سې.
- خوکمال او بجېکالي سې.

ياده کېکالي متن اودای دودو لېني املا لکن او هروانیا تانک لکنستا کويای جني
سره غلطيا درن، مندو رکمېدې جم اي وري پلا غلطې درېچال بن.

ارزيابي:

آيا ياده کېکالي متن بکار که پرېه بېچان؟
آيا ياده کېکالي سبقس مفهوم سره مولېکن؟
آيا ياده کېکالي نونگي لغته جملايه يتې بېيکن؟

گوشنگي لام:

ياده کېکالي اکوروالي کلمايه موتي جملايه کوچه يتدن.
(عالم، مولېکالا، نصيحت، کمال، اعتبار)

آيېس جب

هدف: ياده كېكالي متنې لكه او پرېه بادن او آيېس جبېس اهميتي درك كدن.



اوكتېلا:

- ◆ كوتي جبېدى اغت كاگو، يه بارايه كه كو كده بيا؟
- ◆ كه كده بيا كه اېما آيېس جبه كوتي جب سې؟

اولوالا شی گه بالکول تانک آیی اودای یاده کبیا او تیدی تانک پوگلس اعضایه پلا رابطیی تر با، آیپس جب سې. امه کي باکمان گه جبې واسطایدې ببا، آیی او تانک دوستنه پلا اغت کمان او تېنا اغتنستا سره مولامان.

امه جبې واسطایدې بو شی تانک مکتب، لړېکالا او صنفېنه اودای یاده کاگمان. جبه اودای اسه اي جب گه داشنا دې چپا بل لکان گورېیا. پشه يي جب سې. پشه يي جب دوویاو ست حرف دارا.

حرفي اته علاما سن گه تي اودای کلما جوپا. جم شی گه پشه يي جبېدې لکیاگمان مېمه دوویاو ست حرف شن.

سبقس موتې مقصدي:

آیی جبېس اهميت اوگتناسره مولېک، آیپس جبېدی لکیک او پریکس طریقا او پورا پېک خاترې لّام کېک، اسه بکار او ضرور لّام سې که یاده کېکالا بو آسانیدې کي بیا، اي شی یاده کي.

فعالیتېلا:

- یاده کېکالي متنې دککه پرتن.

- یاده کېکالي متنې اي ورې پلاکه پرتن.

- یاده کېکالي متنې تانک ډلا کوچه پرتن.

یاده کېکالي متنې اي ورې پلاکه پرتن او اته کلمايه سره گه نه مولېياتن، لړېکالا اودای اوکت کن.

یاده کېکالي اکوروالي اوکته آنتې جواب کدن.

- بالکول اول کو شی آیی اودای یاده کاگن؟

- امه جبېدي کو شی، کي اودای یاده کي باگمان؟

- داشنادې چپا بل گه لکان گورېیا کوتي جب سې؟

- پوگلس اعضایه پلا کي دې رابطا تر با؟

- پشه يي جب کاو حرف دارا؟

- حرفه اودای کو شی جوپا؟

- تانک دوستنه پلا کي دې اگت کاگمان ؟
- پشه يي جبېدې لکان کوچه کاو حروفه اودای لَام گوران با.

ياده کېکالي متنې تانک ډلا کوچه پرتن، يان هر ډلاس اي جني صنف پرکنای که
اي او متنس مطلبې موټار کمېدې ورې آنتې کددن او مندو رکمېدې هر ډلاس
ياده کېکاليا مه لَمې سره پولېدن.

ياده کېکالي متن اودای نونگي لغته معنا، يان جملا جوپېدن او تانک کتابچايه
کوچه لکدن.

ياده کېکالي متنس مطلب اودای دو دو لېږن لکن، يان هر وانيا لکنستا تانک
کويای جني لږېدن او غلطيا درن، مندو رکمېدې جم اي وري پلا غلطې درېچال
بن.

- ياده کېکالي اکوروالي اړه کټ جملاينا خالي جاينستا مناسب کلمايه دې پوردن.
- اولولا شی که تانک آيي اودای ياده کېيا.
- جبې واسطايدي او تانک دوستنه پلا اگت کمان.
- جبه اودای ا سه اي که داشنادی چپا بل گورپيا.
- پشه يي جب حرف دارا.

ارزيابي:

- آيا ياده کېکالي متنې بکارکه پرې بېيکن؟
- آيا ياده کېکالي سبقس مفهوم سره مولېکن؟
- آيا ياده کېکالي نونگي لغتنا معنا سره مولياگن؟

گوشنگې لَام:

- ياده کېکالي اکوروالي کلمايه موتي جملايه کوچه يتدن.
- (جب، پوگال، تر، داشنا)

مېوا

هدف: ياده کڼکالي متنې لکه او پږه بادن او نونگي لغته جملايه يتې بادن او تازي او سسوي مېواينا فايدا شره مولان.



اوکتېلا؟

- ◆ اېمه نظرېدي مېوا چوډي استه اياگن؟
- ◆ کوټي مېوا بو ناره نو آلا، نامه اوچدا؟
- ◆ که کي بياگه کاوتازي اوسسوي مېواينا نامه اوچدن؟

اي دواس محمدرضای تانک لایستا اودای مېوايه بابتہ معلومات اېړکن. محمدرضاس لایستا کدکن: اما بیی بایوي وطن مېوايه دې دموي سې، تازي او سسوي مېوا امه وطنه پیدا بیاگن، مېوا اته اېنا ماده اودای سن گه انسانس وجودستا قوي کېی. مېواينا اېکي انسانس صحتستا بکار کېی، اخول پارال اته بکار مېوا سن گه اړې قوي کېی، سسوي مېوا به اخول تازي مېوايه پيري انسانس صحت او سلامتي کوچه بکاررول داریاگن. اخول بادام اته مېوا سن گه عصبه قوي کېی.

که چودې مه مېوا صحي طریقایدې اېن بن، اېکي انسان آنتې گټنا دارا. چمېر او نشوي مېوا فایدا جایه صحت آنتې تاوان پولیاگن.

اته جن گه تانک جانستا، پوگال او اجتماعس قوي بیک فکر کوچه آن، کوته مېوايه گه اېیکن ملتني که حفظ الصحای به مراعت کېیکن. محمد رضای کدکن: میسي خاترې سې گه ډاکتران مېوايه دواډې به مهم باییکن. ابت مولېکم گه تازي مېوا اخول لنگالي، د شک، انشاري، آري، پارال، ناک، کویت، بو، امریک او وري. سسوي مېوا اخول ممیز، بادام، لنگالي، ورمی، پستا انسانس سلامتي کوچه بو مهم رول داریاگن. اته مېوا گه پاک او صحي طریقایدې اېن بیاگن، بو فایدا پولیاگن.

سبقس موتي مقصدي:

مېواينا اېکستا اهميت او تېنا صحي طریقایدې یتېک سره مولېک، اسه ضروري لام سې گه انسانس صحت پلا رابطا دارا، مي خاترې ایلاي مېوا بوبو فایدا داریاگن.

فعالیتېلا:

- یاده کېکالي متنې دککه پړتن.
- یاده کېکالي متنې اي ورې پلاکه پړتن.
- یاده کېکالي متنې تانک ډلا کوچه پړتن.

یاده کېکالي متنې اي ورې پلاکه پړتن، اته کلمایه سره گه نه مولېباتن، لړېکالا اودای اوکت کن.

یاده کېکالي اکوړوالي اوکته آنتې جواب کدن.

- مېواينا اېکي صحت آنتې کو رکم سې؟

- مېواينا اېک دنه وري کي آنتې پامدارني بې؟
- اته مېوا گه صحي طريقايدی اېن بياگن، کو فايدا دارياگن؟
- ډاکټران مېوايه بابته کونظر دارياگن؟
- اما وطن کي دې دموي سې؟
- مېواينا اېکي انسانس وپرستا کو جک کېی؟
- پارال انسانس وجودستا کوچکي قوي کېی؟
- بادام انسانس وجودستا کوچکی قوي کېی؟

ياده کېکالي دوډلايه سره ونټان بن او متني تانک ډلا کوچه پرتن، يان هر ډلاس
اي جني صنف پرکناي که اي او تانک کوچه سبقي سوال او جواب يا
محاوارا کمېدې پرتن.

ياده کېکالي متن اودای نونگي لغته معنا او يان تانک کتابچايه موتي جملايه
کوچه يتدن.

- ياده کېکالي اکوروالي اړه کټ جملاينا خالي جاينستا مناسب کلمايه دې پوردن.
- اي دواس محمد رضای تانک اودای بابته معلومات اېرکن.
 - اما بېي بایوي مېوايه دې سې .
 - تازي او سسوي مېوا پيدا بياگن.
 - که چودي مه مېوا طريقايدې اېن بن.

ارزيابي:


- آيا ياده کېکالي متني بکار که پره بېيکن؟
- آيا ياده کېکالي متنس مفهوم سره مولياگن؟
- آيا ياده کېکالي نونگي لغته معنا کې بېيکن؟

گوشنگی لام:

ياده کېکالېنا که وري کوتي تازي اوسسوي مېواينا نامه يادي تن، تانک کتابچايه کوچه
لکن اواکالي دواس صنف کوچه پردن.

جوانننا اخلا

هدف: ياده کپکالي متني لکه او پږه بادن او جوانننا اخلا اهميت سره پېنن.



اوکتېلا؟

- ♦ جوانننا اخلا بابتہ کو معلومات داریا کو؟
- ♦ اېمه کوتي اخلا پلا بو مينا داریا کو؟
- ♦ کار کوتي اخلا کېوو سي؟

جوانان ايکه جامعاس بکار او ناره الوي قوت باين بياگن. دنيا کوچه هر وطن تانک جوانننا ډنگستا زورېدې پورا پيا. ميسي خاترې هر وطن تانک جواننېستا ايچ که وړېک او مولېک آنتې پامپري کاگن، تا گه جوانان فکري او جسمي گراي بکار که وړن. جوانننا مولېني خاترې مکتب جوپوي سن گه تا اوړې جا تعليمات سره پولېن او ملتنا ايلای سپورتې به گه فکري او جسمي وړېک آنتې بو فايدا دارا سره پولېدن.

اما بيی بايوې وطنس لام او بانډايه کوچه ايلای جوانننا اخلا موجود سن گه اما جواننن تې پلا بو مينا داريانگن. مه اخلا مه جوانننا جسمي او فکري وړېک آنتې بو گټنا پوليانگن. جوانننامه اخلايه اودای ايکيا آتشیک يا چاپت انیک سې گه بو جوانان ديگر دنه، کوتي مناسب جايه لرو بياگن، آشن پني جپياگن او تانک لايوارکوچه آتشانگن. گه يو آتشیک به دو رکم که سره پولا، اي وانیا املیک سې گه بو لیره دې املای نیا او آشن پني سره که آتشا. سه وري جُب آتشیک سې گه آشن پني سره تست او آتشا. کوتي وري جن مه آتشانلېنا جايه نشاني کبیی او اته جنې معلوم کبیی گه جمه دې بو آتشا.

سبقس موتې مقصدي:

جوانان بايد اته اخلا بابته گه لام او بانډايه کوچه موجود سن معلومات پيداکن او ملتنا که مه اخلاينا فايدا بابته به مولان او مينا ملتنا پيدا کن. مي سره مولېک به بو ضروري سې گه اخلا يا سپورت جوانننا جسمي او فکري وړېک کوچه بکار رول دارا.

فعايتېلا:

- ياده کېکالي متنې دککه پرتن.
- ياده کېکالي متنې ډلا کوچه پرتن.
- ياده کېکالي متنې اي وړې پلاکه پرتن.

ياده کېکالي متنې اي وړې پلاکه پرتن او اته کلمايه سره گه نه مولېياتن، لړېکالا اودای اوکت کن.

ياده کېکالي اکوروالي اوکته آنتې جواب کدن.

- جوانان جامعا کوچه کو باين بياگن؟
- وطن کي زورېدې پورا پيا؟

- وطنبلا جواننې کي آنتې پامپري کاځن؟
- جوانان تعلیم پلا وري کوشی سره پولیاځن؟
- لام او بانډا کوچه جواننې کوشی موجود سن؟
- اخلا جوانننا فکر او جسم آنتې کو پولپیا؟

یاده کېکالي ډلایه سره ونټان بن اومتني تانک منجه پرتن، یان هر ډلاس اي جني صنف پرکناى که پي او متنس مطلبستا تانک جبېدې وري آنتې بیان کدن.

یاده کېکالي متن اودای دو دو لېني تانک کتابچایه کوچه املا لکن یان هرجن تانک لکنستا غلطې درېک خاتري تانک کویای جني پلا شریک کدن او اي وري پلا غلطې درېچال بن.

- یاده کېکالي اکوروالي اړه کټ جملايه مناسب کلمايه دي پورا کدن.
- جوانان ايکه بکار او ناره آلي قوت باين بياځن.
 - دنيا کوچه هر وطن تانک جوانننا زوريدې پورا پيا.
 - اما جواننن تي بو مينا داريان.
 - مه اخلايه اودای ايکيا سي.

یاده کېکالي متنس مفهوم اودای چار چار لېني تانک کتابچایه کوچه لکن.

یاده کېکالي اکوروالي لغته موتي جملايه کوچه يتدن.
(فکر، اخلا، آنشیک)

ارزيابي:

- آيا ياده کېکالي متني لکه بېيکن؟
- آيا ياده کېکالي متنس مفهوم سره مولياځن؟
- آيا ياده کېکالي نونگي لغته جملايه يتي بېيکن؟

گوشنگي لام:

- اېمه کوته اخلايه پلابو مينا دارېده؟
- يه بارايه کاو خط کتابچايه کوچه لکدا او اکالي دواس صنف کوچه پردا.

همساياس حقي

هدف: ياده كېكالي متنې لكه او پړه بادن او زندگي كوچه همسايينا حقستا شره مولان او مه حقي عملي كې بادن.



اوكتېلا:

- ♦ اوږوالي عكس بابته كه كو كده بيا؟
- ♦ اېمه تانك همساييه پلا كووات وضعيت دارياكو؟
- ♦ بكار همساييا بابته كه كو كده بيا؟

اي وري پلا بکار همسايه گري داريک بکار لَام سې، گه مه لمېدی الله ﷻ به راضي با. اي همسايه بايد وري همسايه پلا بکار او نېک مناسبات داراتي، غم او شادي کوچه شريک او سمرچال تن، تانک کوچه بکار نیک او تستیک کياتن، اي چنډي اغت سرېدي تانک کوچه خفگان مه کياتن. او همسايه اي وري پلا صبر او حوصلا اودای لَام گورياتن گه يو لَام تېنا زندگستا بکار بيک آنتې وري پند سې. ايلای همسايه اي چنډي اغت يا بالکوله سره تانک کوچه خفگان کياگن گه يو بکار لَام نه سې اما خلکن بايد همسايينستا حقې پيندن او بکار مناسبات داراتن.

سبقس موټي مقصدي:

بکار همسايه گريس سره پولېک، مه لَمنا فايدا سره مولېک او بکار همسايه داريس گټنا بابته معلومات استه کېک سې.

فعاليتېلا:

- ياده کېکالي متنې دککه پرتن.
- ياده کېکالي متنې تانک ډلا کوچه پرتن.
- ياده کېکالي متنې اي وري پلاکه پرتن.

ياده کېکالي متنې اي وري پلاکه پرتن، اته کلمايه سره گه نه مولېياتن، لړېکالا اودای اوکت کن.

ياده کېکالي اکوروالي اوکته آنتې جواب کدن.

- بکار همسايه گري کووات لَام سې؟
- اي همسايه وري پلا بايد کووات مناسبات داراتن؟
- غم او شادي کوچه اي وري پلا کو کن؟
- همسايه تانک کوچه کووات نیک او تستیک داراتن؟
- همسايه اي وري پلا کي اودای لَام گورن؟

ياده کېکالي ډلايه سره وټټان بن او سبقس متني تانک ډلا کوچه پرتن، يان هر ډلاس اي جني صنف پرکناى که پي او متنس مطلبستاتانک جبېدې وري آنتې بيان کدن.

ياده کېکالي اي وري آنتې کاو خط املا کدن او اي ورېس غلطيا درېچال بن.

- ياده کېکالي اکوروالي اړه کټ جملايه مناسب کلمايه دې پوردن.
- اي وري پلا..... همسايه گري داريک لام سې.
- مه لمېدې الله ﷻ به با.
- غم او شادي کوچه او تن.
- اي چنډي اغت سرېدي تانک کوچه مه کياتن.

ياده کېکالي اکوروالي لغته معنا کېک دې پتاي جملايه کوچه يتدن.
(نېک، شادي، شريک)

ارزيابي



- آيا ياده کېکالي متني بکار پرېه بېيکن؟
- آيا ياده کېکالي متنس مفهوم سره مولياگن؟
- آيا ياده کېکالي نونگي لغته معنا کې بېيکن؟

گوشنگي لام:

هر ياده کېکالا، کوتي مناسبات گه تانک همساييه پلا داريانگن، تانک کتابچايه لکن او اکالي دواس صنف کوچه پردن.

چلم او نسوارس زيانی

هدف: ياده کېکالي متنې لکه او پرې بادن او نشه يي مواده نقصان بارايه معلومات استه اچن او تي اودای نفرت کن.



اوکتېلا؟

- ◆ چلم او نسوارس زيان بابته که کوکده بيا؟
- ◆ چلم او نسوارس يتېکي پرېلی (آيندا) کو تاوان پولېيا؟
- ◆ چلمي او نسواري مقابله خلک کو رکم وضعيت کاگن؟

چلم، نسوار او نیپلس یتېکي نه کېولا انخول زیان سې ګه یتېکالا آنتې تاواني پولا، مي دې اوړتا، يو اي انخول مچ عمل او اجتماعي تاوان سې ګه ګم خلکنې به تاواني پولا. اسه جن ګه چلم، نسوار او نیپل پلا عادت دارا، تیس بویی تانک جانستادې اوړتا وړې آنتې به تکلیف پولیا او خلک اودای عذاب بیاګن.

چلم، نسوار او نیپلس یتېکېدې دورې دې اوړتا بنداس سینا، معدا او وړې آنتې به بو تاوان پولا او بندای رکم رکم ناسازی گرفتار کېي. ایلو ګه چلم، نسوار او نیپلس یتېک اودای تانک مالي او جاني تاوان دې اوړتا، وړي خلکه او جامعا آنتې به تاوان سې. میسي خاترې باید هر جن کوشش کې ګه یه مچ عمله جانستا گرفتارمه کدن او ایلای وړي ګه یه عمله بند بوي آن تانک جانستا چوتېک خاترې فکر کن.

سبقس موتي مقصدي:

هر نشه يي مواد پلا عادت، انسان آنتې، جاني، مالي او اجتماعي نقصان پولیا، درکار شې ګه هر عمل اودای جانېن دور ننگا کمان اومه نقصانې، تانک جاني آنتې، فامیل او اجتماع آنتې نه پولېمان.

فعالیتلار:

- یاده کېکالي متنې دککه پرتن.
- یاده کېکالي متنې ډلا کوچه پرتن.
- یاده کېکالي متنې اي وړې پلاکه پرتن.

یاده کېکالي متنې اي وړې پلاکه پرتن، اته کلمایه سره ګه نه مولېياتن، لړېکالا اودای اوکت کن.

یاده کېکالي اکوړوالي اوکته آنتې جواب کدن.

- چلم، نسوار او نیپلس کووات زیاني سې؟
- چلم، نسوار او نیپلس زیاني یتېکالا دې اوړتا وړي کي آنتې پولا؟
- چلمي اونسواري دورای کي آنتې بوی دیا؟

- چلمې، نښاري او نښلي آنتې دورې دې اوږتا وري کو تکلیف پیش با؟
- هر جن مه مچ عمل مقابله باید کو کې؟

یاده کېکالي ډلایه سره وټټان بن او هر ډلا متني تانک منجه پرتن، یان هر ډلا اودای اي جن صنف پرکناى که پن او متنس مطلبستا تانک جبېدې وري آنتې بیان کدن.

یاده کېکالي اي وري آنتې دودو خط املا مېن او جم یاده کېکالي اي ورېس املستا غلطي درېچال بن.

یاده کېکالي اکوړوالي اړه کټ جملایه مناسب کلمایه دې پوردن.

- چلم ، نسوار او نښلس نه کېولا انخول زیان سې.
- اسه جن گه چلم ، نسوار او نښل پلا دارا.
- بندای رکم رکم گرفتار کېي.

ارزیابي:

- آیا یاده کېکالي متني بکار که پره بېکن؟
- آیا یاده کېکالي نشه يي مواد نقصان بابته کومې کده بېکن؟
- آیا یاده کېکالي نونگي لغته جملایه يتې بېکن؟

گوشنگې لام:

یاده کېکالي نشه يي مواد بارایه تانک گوشنگې ډشتایه اودای اوکت کن او نقصني تانک کتابچایه کوچه لکن او اکالي دواس صنف کوچه پردن.

ڪار ڪو وظيفا دارا؟

هدف: يادہ ڪٻڪالي متنې لکھ او پرھ بدن او ڪرنا اھميت شرھ مولان او تي بڪار ننگا ڪي بدن.



اوڪتبلا:

- ◆ ڪرنا اھميت بابته ڪھ ڪوڪدھ بيا؟
- ◆ اوڙوالي عڪس ڪوچھ ڪو لشيا ڪو؟
- ◆ ڪرنا بڪار ڪھ رشڪي ڪاو ضروري سي؟

انسانس هر عضوي الله ﷻ س بكار نعمته اودای سن گه بكار لمپلاينا سره پولېك خاتري مه گني نعمت دېن بوي سن.

انسانس پنج حسه اودای اي وانيا خار يا سمعي حس سې گه خلکنا دواس هوني زندگي کوچه، بو مهم باين با او بو مهم لمپلا خره اودای لام گورېني نتيجا کوچه سره پولان بياگن. کره واسطايدې ببي او مچ اغت ارېن بياگن. مبمه خره واسطايدې بېلابېل سطحه کوچه تعليم او ياده کېني سره پولان با.

هر جن بايد تانک خرېنستا بکارکه رشیک خاتري کوشش او پامپري کن. چې دې پرېلی يوگه خرېنستا ناپاک مه اوړدن او همېش بايد پاک کدن، تاگه تي آنتې ناسازي پيدا نه بې او يو جن تانک دواس هوني زندگي کوچه بو گني مشکل پلا دوراندور نه بې. کودن گه کيس خرېنستا آنتې کوتي مشکل پيدا با، يه دنه بايد خرېن ډاکټر آنتې پې او تي پندلېښدي دوايي کې. تانک سرای دوا یتېک ببي بیک جایه مچ بیک منجه اچا.

سبقس موتي مقصدي:

خرېن اهميت او گټنا سره مولېک او مېنا پاک رشیک او دوا کېکس طريقا بابته معلومات استه کېک سې او مه اغتس مولېکي به بو ضروري سې گه خره واسطايدې کاو مهم لمپلا سره پولياگن.

فعاليته:

- ياده کېکالي متني دککه پرتن.
- ياده کېکالي متني تانک ډلا کوچه پرتن.
- ياده کېکالي متني اي ورې پلاکه پرتن.

ياده کېکالي متني اي ورې پلاکه پرتن، اته کلمايه سره گه نه مولېياتن، لړېکالا اودای اوکت کن.

ياده کېکالي اکوروالي اوکته آنتې جواب کدن.

- گني نعمت کي آنتې دېن بوي سن؟
- خره واسطايدې کوتي لمپلا سره پولياگن؟

- هر جن تانک خړنستا بکار که رشیک خاترې کوکې؟

- سمعي حس، دواس هوني زندگي کوچه کووات باین با؟

- تعلیم او یاده کېني کووات که سره پولا؟

یاده کېکالي ډلایه سره وټپان بن او متني تانک ډلا کوچه پرتن، یان هر ډلاس اي جني صنف پرکنای که پي او متنس مفهومتا تانک جبېدې وري آنتې بیان کدن.

یاده کېکالي متن اودای دو دو خط املا لکن، یان هر جن تانک لکنستا کویای جني لړېدن، تاگه سه غلطیا درې، مندو رکمېدی تا آخر جا، جم اي وري پلا غلطی درېچال بن.

یاده کېکالي اکوروالي لغته معنا یان جملایه کوچه یتدن.
(کار، نعمت)

یاده کېکالي اکوروالي اړه کټ جملایه مناسب کلمایه دې پوردن.
- انسانس پنج حسه اودای اي وانیایا..... یا حس سې.
- خلکنا دواس هوني زندگي کوچه بو..... باین با.
- کره واسطایدې و اغت اړېن بیان.

ارزیابی:

آیا یاده کېکالي متن بکار که پرې بېچان؟
آیا یاده کېکالي متنس مفهوم سره مولیاگن؟
آیا یاده کېکالي نونگي لغته معناکې بېیکن؟

گوشنگي لام:

یاده کېکالي کرنا وظیفا بارایه کاو خط تانک کتابچایه کوچه لکن او مي به لکدن گه مه تانک کرېنستا کووات رشیکن، اکالي دواس هر کوتي تانک لکنستا صنف کوچه پردن.

آهنگر

هدف: ياده ڪپڪالي متن ۾ ڀرڻ او لڪه باڊن، لڪنيس علامايه ڀڀڊن او تانڪ وطني ڪسبگره
بارايه معلومات ڀيڊاڪن.



اوهڪٽيلا؟

- ◆ آهنگر بابته كه كوڪڊه بيا؟
- ◆ آهنگر اهميت بابته كه اغت ڪي بيا؟
- ◆ اڀمه آهنگر اوڊاي ڪومي جوڀڀوو سي؟

لام او ونتا کوچه اي پوگال به کېولا که تانک زندگستا پورا نه نې بېی او اي ورې سمرني آنتې ضرورت داریاگن. اخول که اي کسبا اي شی جوپیا او وري کسبا وري شی جوپیا، که میسی رکمېدي جامعا کوچه انساني زندگي پورا پیا.

مه کسبا يا لمگیره اودای اي وانيا آهنگران آن که لام او ونتا تې پوگلنا ضرورت شی جوپیاگن او خلک تې اودای تانک دواس هوني زندگي کوچه فايدا گوریاگن.

آهنگر پوگله آنتې بو بو شی اخول: چېوا، تُلا، لکلي، تَوا، کَرا، پال او بو وري جوپیا که پوگال مېسه ولتايه دې تانک ضرورتستا سړی پورا کېی، امېمخول ختني لمېلايه آنتې بو بو شی جوپیاگن که اما ختنگار (دهقان) تې واسطایدي ختني کیا، میسی خاترې آهنگر اي لام او ونتاس بو ضروري عضوي باين بگا.

سبقس موتي مقصدي:

آهنگرس اهميتستا سره مولېک او آهنگر گرای جوپان بوي ولتايئا يتېک او ضرورت بابته معلومات استه کېک سې او مي سره مولېک به بو ضروري سې که اي کسبي ته ورې کسبي آنتې ولتا جوپیا.

فعاليته:

- ياده کېکالي متنې دککه پرتن.

- ياده کېکالي متنې تانک ډلا کوچه پرتن.

- ياده کېکالي متنې اي وري پلاکه پرتن.

ياده کېکالي متنې اي وري پلاکه پرتن، اته کلمايه سره که نه مولېياتن، لړېکالا اودای اوکت کن.

ياده کېکالي اکوړوالي اوکته آنتې جواب کدن.

- لام اوونتا کوچه پوگال کووات که زندگي کېیا؟

- اي کسبي ورې کسبي آنتې کو ضرورت دارا؟

- آهنگر لام او ونتا خلکنې کو شی جوپیا؟

- آهنگرس جوپېوي شی پوگلنې کو فايدا دارا؟

- آهنگران ختنگره آنتې کو شی جوپیا؟

- آهنگر نه گرای کاو جو پوي شينا نامه گوردا؟

ياده کېکالي ډلايه سره وټان بن او متني تانک ډلا کوچه پرتن، يان هر ډلاس اي جني صنف پرکناي که پي او وارېدي متنس مفهومستا سادي جبېدي وري آنتي بيان کدن.

ياده کېکالي متنس مطلب اوداي دودو لپي تانک کتابچايه کوچه لکن، يان هر جن تانک لکنستا کويای جني لړېدن تاگه سه غلطيا دري. مندو رکېدي تا آخر جا اي وري پلا غلطي درېچال بن.

ياده کېکالي اکوروالي لغته معنا کېک دي پتاي جملايه کوچه يتدن.
(سمريک، کسب)

ياده کېکالي اکوروالي اړه کټ جملايه مناسب کلمايه دي پوردن.

- اي وري آنتي ضرورت داريان.
- جامعا کوچه انساني پورا پيا.
- لام او وټتا تي ضرورت شي جوپيان.
- خلک تي اوداي تانک دواس هوني زندگي کوچه گوريان.

ارزيابي:

- آيا ياده کېکالي متني بکار که پره بېيکن؟
- آيا ياده کېکالي متنس مفهوم سره موليان؟
- آيا ياده کېکالي لاماي وري کسبگرا نامه گوري بېيکن؟

گوشنگي لام:

ياده کېکالي تانک گوشنگي دشتايه اوداي اوکت کن او وري کاو کسبگرا نامه تانک کتابچايه کوچه لکن او اکالي دواس وار وارېدي صنف کوچه پردن.

ټوک

هدف: ياده کېکالي متنې لکه او پړه بادن او جامعا کوچه ټوکس جايه او اهميتي پېندن.



اوکتېلا؟

- ◆ اېمه ټوک ياده داريآکو؟
- ◆ که کې بيا گه اي ټوک کدې؟
- ◆ اېمه نظرېدې ټوک لکېک کو رکم لآم سې؟

اي لاهه اي والگار (چوپان) آیک، هر دواس تانک مالستا چرپک آنتې داره بل نېي آیک. اي دواس انچپکه کومې اړېي گریک، اي اوبارا جایه تستیک او لاهه بل چپک وېکن گه مېنا مالستم کوچه خراپ اتواس مېنه پلا کومک کې. يه دنه ته لاهه جم خلک امبلا انو پیتا ته والگار کویه پولینچ، والگرې ازنايدې کدکن: مم ټوک کېویم سې مالې کوچه کمی به نه آس. اي دواس وري سه ټوک شت بچ او والگرس مالستا کوچه خراپ اتیک. والگار گر اوبارا جایه تستیک او لاهه بل چپک وېکن او کدکن: مالستم کوچه خراپ اتواس ملتئم کومک کې، خو ایلوگه خلک پورا بلېوایا اینچ، کمی به کومکستای که نه گیک او تي آنتې پورا که تاوان پولیک گه یو لار انکس نتیجیي آیک.

سبقس موتې مقصدي:

ټوکس مفهوم او مطلب گه لار انکس مچ نتیجا بابته معلومات استه کېک او تانک دواس هوني زندگي کوچه لار انیک اودای جان رشیک سې.

فعالیتبلا:

- یاده کېکالي متني دککه پرتن.

- یاده کېکالي متني تانک پلا کوچه پرتن.

- یاده کېکالي متني اي وري پلاکه پرتن.

یاده کېکالي متني اي وري پلاکه پرتن، اته کلمايه سره گه نه مولېياتن، لړپکالا اودای اوکت کن.

یاده کېکالي اکوروالي اوکته آنتې جواب کدن.

- والگار هر دواس کوکیایک؟

- والگرې لاهه بل خول چپک انکن؟

- والگرې لامنا کو مېچین؟

- والگرس مالستا کوچه گه خراپ اتیک کو کېکن؟

- گرہ چپک انیک دنه لامنايه کوکېکن؟

ياده کېکالي ډلايه سره وټټان بن او متنې تانک ډلا کوچه پرتن، يان هر ډلاس اي اي جني صنف پرکناى که پڼ او متنس مفهومستا دودو جن که محاورا يا سوال او جواب رکمېدې سادي جبېدې وړې آنتې بيان کدن.

ياده کېکالي دو دو جن وټټان بن، يان اي جن ته وړې آنتې املا کدې گه لکيک دې پتای تيس غلطيا درېدن، يان سه جن مه وړې آنتې املا کدې او غلطيا درېدن مندو رکمېدې جم صنف اي وري پلا غلطيا دريک او لکيک فعاليت کوچه وانټ گورن.

ياده کېکالي اکوړوالي اړه کټ جملايه مناسب کلمايه دې پورتن.

- اي لامه اي آيک.

- هر دواس تانک مالستا آنتې داره بل نېي آيک.

- اي دواس انچپکه کومې گريک.

- اي دواس وري سه ټوک بچ.

ياده کېکالي اکوړوالي لغته معنا کېک دې پتای جملايه کوچه يتدن.

(والگار، تستيک، کن)

ارزيابي:

آيا ياده کيکالي متن لکه بېچان؟

آيا ياده کېکالي متن بکار که پرې بېچان؟

آيا ياده کېکالي متنس مفهوم سره مولياگن؟

گوشنگې لام:

هر ياده کېکالا تانک گوشنگوالايه کومکې دې، اي ټوک کتابچايه کوچه لکې او اکالي

دواس صنف کوچه پردن.

خلکه پلا سمریک

هدف: یاده کېکالي متنې لکه او پړه بادن او خلکه پلا سمرکس روحیې جانې کوچه پیدا کن او مه روحیای خلکه منجه عملي کې بادن.



اوکتېلا: ?

- ◆ اوړوالي عکس کوچه کو لشیاکو؟
- ◆ که کده بیا که خلکه پلا سمریک کووات لام سې؟
- ◆ کي آنتې اي وري پلا کومک کاگمان؟

اي شاره گومبس قحطي بيک او خلک مي اودای بو خواري او تکليف کوچه آينچ. ته شاري ډشټپنه اي وري پلا مشورا کېکن او ابله نتيجايه پولينچ گه بکار خلکه اودای کومک اېرن. اي گنات نېک او بکار خلک حاضر بينچ گه پورا اندازا گوم وريکن شاري گورن او اړبوي خلکه آنتې دن. يه دنه اي اېلشوا جن مه اغت اودای خبر بيک او اېرکن گه چلېدې مه گومي گورتن او بو قيمت که خلکه سره لکندن. کووات گه وري خلک مه اېلشوا جنېس چلې اودای خبر بوي آينچ، مي آنتې کدکن: امه گوم تانک وطندارنه پلا کومک خاتري گورېوان سي، نه گټنا کېک خاتري. يان يو جن حکومت آنتې سپارکن تا جزا لشي. انخول اېلشوا جنې آنتې محترک کدان با.

سبقس موټي مقصدي:

کودن کودن ايلای جايه کوچه قحطي او وري مشکل منجه ايا، کوتي خلک گه مشکل پلا دوران دور نه تن، بايد مجبور خلکه پلا کومک کن او تېنا استه درېندي، گه يو دنيا کوچه، انسانيتس بکار پنده شي.

فعايتېلا:

- ياده کېکالي متني دککه پرتن.
- ياده کېکالي متني ډلا کوچه پرتن.
- ياده کېکالي متني اي وري پلاکه پرتن.

ياده کېکالي متني اي وري پلاکه پرتن او اته کلمايه سره نه مولېياتن، لړېکالا اودای اوکت کن.

ياده کېکالي اکوروالي اوکته آنتې جواب کدن.

- شاري خلک کيدې تکليف کوچه آينچ؟
- ته شاري ډشټپنه کو مشورا کېکن؟
- کو رکم خلکه اودای کي آنتې کومک ايرايينچ؟
- اي گنات خلک کو رکم کومک آنتې حاضر بينچ؟
- گورېوا گومي کو رکم خلکه دېي آينچ؟

- اېلشوا جن کوتي اغت اودای خبر بیک؟
- خلکه اېلشوا جن کو مېکن؟
- اېلشوا جن گومي کي آنتې گورېي آيیک؟

ياده کېکالي ډلايه سره ونټان بن او متني تانک ډلا کوچه پرتن، يان هر ډلاس اي جني صنف پرکناي پڼ او دودو جن صنف پرکنا متنس مطلبستا تانک جبېدي اوکت او جواب يا محاورا پيري وري آنتې بيان کدن.

ياده کېکالي متن اودای پنج لېن تانک کتابچايه کوچه لکن او تي کوچه لکنيس علامايه مناسب جايه يتدن.

ياده کېکالي اکوروالي اړه کټ جملايڼا خالي جاينستا مناسب کلمايه دي پوردن.

- اي شاره گومېس بیک.
- خلک مي اودای بو..... او کوچه آينچ.
- ته شاري اي وري کوچه مشورا کېکن.
- اېلشوا جن مه اودای خبر بیک.

ياده کېکالي اکوروالي کلمايه جملايه کوچه يتدن.

(ډشتيان، مشورا)

ارزيابي:


- آيا ياده کېکالي متني پره بېيکن؟
- آيا ياده کېکالي متنس مفهوم سره مولياگن؟
- آيا ياده کېکالي نونگي لغته معنا کې بېيکن؟

گوشنگي لام:

ياده کېکالي متنس مطلب اودای چارچار لېن سدوري خطېدي تانک کتابچايه کوچه لکن او وري دواس صنف کوچه پردن.

ادبي ټوټا

هدف: ياده کېکالي متنې لکه او پرېه بادن او اغت کېکس مهارتستا قوي کدن.



اوکتېلا:

- ♦ وطن بابته که کو کده بيا؟
- ♦ جواننه رسالت بابته که اغت کې بيا؟
- ♦ جوانان او وطن بابته که معلومات دارا، ورې آنتې بيان کدن؟

مم وطنس تنېک جوان آم، يو وطن مېني وېر او جانېم سې، آش او مينام کوچی چنوا سې، اړېس اشيم سې، يو مېني ننگ، ناموس او غيرتم سې، وطن مېني پت او عزتم سې، تانک سرستم دېکم، وطنس مورچلستا رشکي افتخار بايیکم او تي اودای پچبل بکې گن لچ بايیکم، مېنا عزم نه موړکالا سې، وطن پلا مينا، مېنا آش، پې او انتي کوچه ملوا سې، اگه کمزور بايي آم، يا کم انچېدې تاري آم، يان تېنه آنتې اټال يا کرام جوپم. مم اخول دارای لانيس پيري آم، پورې پاکم او مست نندي پيري پورې شاپرو آم. پام که کار به کمزور او کم که مه تارام، مم تاريخس لшла تجورا آم.

سبقس موتي مقصدي:

جواننا وطن مقابله رسالت او مسووليت او افغاني غيرت او جذبا بابته معلومات استه کېک سې او مي سره مولېک به بو ضروري سې گه افغاني جذبا او غيرت کار به کمزور بوي نه سې.

فعاليتېلا:

- ياده کېکالي متني دککه پرتن.

- ياده کېکالي متني تانک ډلا کوچه پرتن.

- ياده کېکالي متني اي ورې پلاکه پرتن.

ياده کېکالي متني اي ورې پلاکه پرتن، اته کلمايه سره گه نه مولېپاتن، لړېکا لاودای اوکت کن.

ياده کېکالي اکوړوالي اوکته آنتې جواب کدن.

- وطن جواننا کي پيري سې؟

- وطن کوچه جواننا کوچکي چنوا سې؟

- جوانان وطنس مورچلستا رشکي کوچک بايیکن؟

- وطنس خدمت اودای پچبل بیک جوان آنتې کوچک سې؟

- وطنس مينا جوانس کي کوچه ملوا سې؟

ياده کېکالي ډلايه سره وټټان بن او تانک ډلا کوچه متنې پرتن، يان هر ډلاس اي جني صنف پرکناى که پي او وارېدې متنس مفهومستا تانک جبېدې وري آنتې بيان کدن.

ياده کېکالي دو دو جن اي وري آنتې املا کدن، يان تيس لکواى تاردن او غلطيا درېن، يان سه وري تي آنتې املا کدې او غلطيا درې، مندو رکمېدې جم صنف املا لکيک او غلطې درېک کوچه وانټ گورن.

ياده کېکالي اکوړوالي اړه کټ جملايه مناسب کلمايه دې پوردن.

- يو وطن مېني او سې.
- يو مېني ننگ ، ناموس او..... سې.
- وطنس مورچلستا افتخار بايیکم.
- تي اوداى پچېل بکې گن بايیکم.

ياده کېکالي اکوړوالي لغته معنا کېک دې پتاي جملايه کوچه يتدن.
(تنېک، جوان)

ارزيابي:

- آيا ياده کېکالي متنې پرېه بېيکن؟
- آيا ياده کېکالي متنس مفهوم سره مولياگن؟
- آيا ياده کېکالي نونگي لغته معنا کې بېيکن؟


گوشنگي لام:

ياده کېکالي ادبي ټوټا بابته کاو خط کتابچايه کوچه لکن او وري دواس صنف کوچه پردن.

افغانان آن

هدف: ياده کېکالي نظمې لکه او پره بادن او تانک وطن او افغاننه بارايه بکار او نېک احساس جانې کوچه پيدا کن او وطن دوست تربيا بن.





اوکتېلا:

- ◆ نظم کي بارايه لکوي سي؟
- ◆ کودن نظم پروو سن؟
- ◆ نظمې دکلمایدې پره بېدا؟

مه وطنس تكالي جم شتي افغانان آن مه جمكه بادران آن
نه سې دواني منجی ای به وري قربان آن سخي زمريان آن

XXXXXXXXXX

تاريخس لگا كوچه بېی امتحان دېوی سې لش تاريخ اوړوی سې
سختي سره وټېتا نامه به رشوی سې خانه پېنوبوی سې
دنيادي معلومدارسې كاو وار بوي ماوان آن هندوكشس بازان آن

XXXXXX

ماوينا گره ماوكي مولېده بو بليك سې جاني آنتې سليك سې
ميخول لمېلا اخول مريض آنتې بليك سې غمي پلا مليك سې
تاردا تاريخه زري خطېدې لكان آن غيرت كوچه آلان آن

XXXXXX

اورچې بوجې جوانه گالا لام كيني اېړا بيكه مولېني اېړا
ميس بيكه جوپيكي بو بيكه ياده كېني اېړا اوړي پولېني اېړا
مي بت ثابت كېي گه تاتكولين اوارثان آن مه اصيل افغانان آن

XXXXXX

اېړياكم خلكه منجه شتكه لهونگري تې بو بكار تر دوستي تې
معلومات تن مورچلي اوباري بيرغي تې سورې پيري تاري تې
كودن جا سنگه تې وري تلې بل شاړان آن مه بو غيرتيان آن

سبقس موټي مقصدي:

ياده كېكالي تانك وطنس تاريخ، افتخار او غيرت او پوړا پېكس پنديلايه بابته معلومات
استه كن گه پوړاپېني علم او اکتو گريدې به بيا.

فعاليته:

- ياده كېكالي نظمې دككه پرتن.
- ياده كېكالي نظمې تانك ډلا كوچه پرتن.
- ياده كېكالي متنې اي وري پلاكه پرتن.

ياده کېکالي نظمې اي وري پلا پرتن، او اته کلمايه سره گه نه مولپياتن، لړپکا اودای اوکت کن.

ياده کېکالي اکوړوالي اوکته آنتې جواب کدن.

- نظمې مطلبې کي بابتې سې؟
- نظمې که دکلمایدې پره بېبې؟
- کاو جن نظم لککالي پېنیاکو؟
- نظمې مفهوم او مقصدي کوچک سې؟
- نظمې مطلب اودای کاو فايدا گورېکو؟
- نظمې نثر سره که پرتې بېبې؟

ياده کېکالي ډلايه سره وټټان بن او نظمې تانک ډلا کوچې پرتن، يان هر ډلاس اي اي جني صنف پرکنای پڼ او نظمې دکلمایدې وري آنتې پرتن.

ياده کېکالي نظمې نثر سره پرېدن او تانک کتابچايه کوچې لکدن. يان تانک لکنستا هر جن تانک کويای (نزدیکی) جني لړېدن او اي وري پلا غلطي درېچال بن.

ياده کېکالي لغتي معنا کېک دي پتای جملايه کوچې يتدن.

ارزيابي:

- آيا ياده کېکالي نظمې بکارکه پره بېبېکن؟
- آيا ياده کېکالي نظمې مفهوم سره مولياگن؟
- آيا ياده کېکالي نونگي لغته معنا کې بېبېکن؟

گوشنگي لام:

ياده کېکالي نظمې کتاب رويدې، تانک کتابچايه کوچې لکدن او اکالي دواس تانک لکنستا صنف پوره پرېدن.

متلې

هدف: ياده کېکالي متنې پړه او لکه بادن او متلنا مفهوم او يتېک جای سره مولان.



اوکتېلا:

- ◆ اېمه متلې اړېوو سن؟
- ◆ که کې بيا متل کدې؟
- ◆ متلنا يتېکستا جايه پېنيکو؟

متلې بو پورا نازمانا دې بیل، امه وطن کوچه وونا سن او اما خلکن تانک اغته کوچه ضرورت دنه یتېکن. متلنا کدکالیا معلوم اونجی جن نه آن. تاریخس لگا کوچه اته موتې معنا دارکالي عبارت گه مولېکالي دورای نیوي سن او گالا وټیک پلا امتحان دېویی سې، تانک جانه متل صفتېدې ولس کوچه جای کېویی سې.

متلنا عبارتې موتې تا، خو پورا که پند او حکمت کوچی تا. پشه یې جېې کوچه بو رکم رکم متلې موجود سن گه اما پشه یې خلکن تانک پوراني متله، تانک اغتنا بیلابیل جایه کوچه یتېکن او اي اغتس شت بیک خاترې، گن دلیل بایيکن اخول امه اکوروالي متلې:

- اي استېدی چیی انن نه بیاگن.
- گونچې بلنگه جای مه دیا.
- اي پینچایدې بار نه با.
- سرما انچې سره گران نه سې.
- پیس پې نه با او دشمن دوست نه با.
- یاد مم کمې سېرگه خدای کدې.
- اسه سانگ جوتا گه انگار سړی شچوا تې.

سبقس موتې مقصدي:

متلنا مفهوم او معنا سره مولېني او متلنا یتېک جایستاسره مولېک او مناسب جایه یتېک سې.

فعالیتېلا:

- یاده کېکالي متنې دککه پرتن.
- یاده کېکالي متنې ډلاکوچه پرتن.
- یاده کېکالي متنې اي ورې پلاپرتن.

یاده کېکالي متنې تانک کوچه اي ورې پلاکه پرتن او اته کلمايه سره گه نه مولېياتن، لړېکالا اودای اوکت کن.

یاده کېکالي اکوروالي اوکته آنتې جواب کدن.

- متلې کودن دې بیل اما وطن کوچه وونا سن؟

- اما خلکن تانک اغته کوچه کودن متله یتیاگن؟
- متلنا یتبکستا ضرورتی کو شی سی؟
- پشه یی جبی کوچه کاو رکم متلی موجود سن؟
- آیاملنا کد کالیا معلوم جن آن؟

یاده کبکالی چار ډلایه سره وټان بن او دودو ډلاینا ای ای جني صنف پوره، ای وري پلا مسابقا رکمېدي متلي کدن.

یاده کبکالی اکوروالي عبارتته او متله غورېدي پرتن، یان متله کوچیا نجی کدن، تي دي پتای تانک کابچایه کوچه لکدن.

- انچه سره پتوال گران نه با.
- سردارشاس بییی.
- اسه سانگ جوتا گه سریی انگار شچواتي.
- سمل ساتس ایه.

یاده کبکالی اکوروالي اړه کټ جملاینا خالي جاینستا مناسب کلمایه دي پوردن.

- متل بو پورانا زمانادي بیل امه وطن کوچه..... سن.
- اما خلکن تانک اغته کوچه دنه یتبیکن.
- پشه ئی جبی کوچه بو رکم رکم..... موجود سن.
- ای اغتس بیک خاتري گن دلیل باییکن.

ارزیابي:

آیا یاده کبکالی متني بکار که پړه بییکن؟
 آیا یاده کبکالی متنس مفهوم سره مولیاگن؟
 آیا یاده کبکالی نونگي لغته جملایه کوچه یتي بییکن؟

گوشنگي لام:

یاده کبکالی چار متل تانک کتابچایه کوچه لکن او اکالي دواس صنف کوچه پردن.

شت کدیک

هدف: ياده کېکالي متنې لکه او پړه بادن، شت کدیک اهمیت شره مولان او تانک جانې شره عملي کې بادن.



اوکتېلا:

- ◆ که اېمه هر لّمه کوچه شت کددا، آیی تاتي اودو خوشحال بیاگن؟
- ◆ شت کدیک کو فایدا دارا؟
- ◆ اېمه باغېلا لشوو سن؟

سورندینس گوشنگوالیی ای باغ داریاگن. ای دواس سورن دین تانک باغی که پپیک او کوچیی گرگایک. باغی کوچه ای جایه چپوا لشکن، سه چپوا گوربکن او ای مېوا دارکالي کرکس چکه شری کتکن. وري دوا س سورن دین گر تانک بېستا پلا باغېس لشیك خاتري پپیک.

سورن دین او بییی باغه گرگاینچ، لشکن گه تبسه مېوادارکالي کرکس پتکي پېلي بوي سن. بییی بوخفا اوگوسا بیک او سورن دین اودای اوکت کپکن: امه جلبس چکه کیس کتویی سن؟ سورن دین گه خفا لړگایک بېستا آنتې کدکن: مه جلبس چکه مم کتوام سې، مم نه مولیاکم گه میدې جل سوسا او پتکي پېلي بیاگن.

بییی میس شت کدیک اودای بو خوشحال بیک او می آنتې کدکن: پولېم! کرکنا چکه بایدکتین نه بن، که چودې کرکناچکه کتین بن یان سوسېن. ایلوکرک مم بو شوقېدې ننگویم آچ او حاصل سره اوی آچ میس سوسکستایدې بو خفا یکم، خو وری تلن تبنا شت کدیک اودای بو خوشحال بکم، یوگه توشت کدکې او شت کدیک هزار جله دې بو مل دارا.

سبقس موټي مقصدي:

سورن دین بکار کتلا آس، سه لاړ نه انا، میسې خاتري تاتستا شره گران آس. سورن دین تانک تاتستا اغتي مني، میسې خاتري تیس نصیحتي سورن دین شره مثبت اثر کپکن او وعدا کپکن گه کودن به کرکنا چکه او گوندیی نه کتې.

فعالیتېلا:

- یاده کپکالي متني دککه پرتن.
- یاده کپکالي متني ډلا کوچه پرتن.
- یاده کپکالي متني اي ته وري پلاکه پرتن.

یاده کپکالي متني تانک منجه پرتن او اته کلمایه سره گه نه مولبیاتن، لړپکالا اودای اوکت کن.

ياده کېکالي اکوروالي اوکته آنتې جواب کدن.

- سورن دینس گوشنگوالی کو شی داریاگن؟
- ببستا او سورن دینې باغې کوچه کولشکن؟
- سورن دین کی سره نه مولیایک؟
- سورن دین ببستا پلا چوی که پېوا آیک؟
- ببستا سورن دین اودای کو اوکت کېکن؟
- اگه کړکس چکه کتان بن کو شی با؟

ياده کېکالي ډلایه سره ونهان بن او هر ډلاس اي جني متنس پریک دې پتای،
صنف پرکنای که ان، متني تانک جبېدې سوال او جواب يا محاورا پيري ورې آنتې
پرېتن.

ياده کېکالي متن اودای پنج لېن تانک کتابچایه کوچه لکن او تي کوچه مناسب
جایه لکنیس علامایه یتدن.

ياده کېکالي اکوروالي اړه کټ جملاينا خالي جاينستا مناسب کلمایه دې پوردن.

- سورن دینس گوشنگوالی اي داریاگن.
- اي دواس سورن دین باغې که پېیک.
- وري دواس سورن دین تانک پلا باغېس لشیک خاترې پېیک.
- بیی میس کدیک اودای بو خوشحال بیک.

ارزیابي:


- آیا ياده کېکالي متني پره بېیکن؟
- آیا ياده کېکالي متنس مفهوم سره مولیاگن؟
- آیا ياده کېکالي نونگي لغته معنا کې بېیکن؟

گوشنگي لام:

ياده کېکالي له خط شت کدیک بارايه تانک کتابچایه کوچه لکن او اکالي دواس صنف
کوچه پردن.

حيوانته سره اړ لاوېک

هدف: ياده کېکالي متنې لکه او پرې بادن، ياده کېکالي حيوانته پلا مينا پيدا کن او تېنا اهميتي جامعا کوچه درک کدن.



اوکتېلا؟

- ♦ اوږوالي عکس لشيک دې پتای کو کده باکو؟
- ♦ آیا مولاکوگه چارپای مال کووات که ساتان بن؟
- ♦ کوتي چارپای مال کودن زقلبوو آس؟

اي دواس موسى عليه السلام گه شعیب علیه السلام والگري آیک او پیغمبري پولوا نه آیک، تیس برنستا چربي آیک. انچیکه اي برا رما اودای مویک. موسی علیه السلام ي ابرکن گه تي ژنگدن او گرتا رما پلا اي جایه کدن، برا چتر بیک او ډاگه بل مویک، موسی علیه السلام تي لمه امبلاي نیک او برا لا بو وري چتر بیک، تا اته گالا جا گه موسی علیه السلام پایه گگنا چنیچ او بر ابه وئیک استای سنگه پلیک او اوره نه بیایک. موسی علیه السلام ي گه برا آنتي تاره کن، سريی اړه لاویک او کدکن: ای عاجز! کي آنتي مویاکی او کي اودای چتر بیاکی. سه ډنگي جیکن او رما پلا اي جایه کېکن.

امني به ضرور شي گه حیوانته شره رحم کمان او خداوند ﷻ س رضستا حاصل کمان.

سبقس موتي مقصدي:

چارپای به الله ﷻ پاکس پیدا کېوی آن، ته مختلف جایه کوچه اما مشکلستن حل کېیکن، درکار شي گه تي شره مهرباني اودای لام گورېن بي، آزار او زقلېکستا اودای جانستن دور رشان، تاگه الله ﷻ به اودېن خوشحال بي.

فعاليته:

- ياده کېکالي متني دککه پرتن.
- ياده کېکالي متني تانک ډلا کوچه پرتن.
- ياده کېکالي متني اي وري پلاکه پرتن.

ياده کېکالي متني تانک کوچه پرتن او اته کلمايه سره گه نه مولېياتن، لړېکالا اودای اوکت کن.

ياده کېکالي اکوروالي اوکته آنتي جواب کدن.

- موسی علیه السلام پیغمبر بیک دي پورا کي پلا آيیک او کولام کېيایک؟
- برا کي اودای مویک؟
- موسی علیه السلام برای کي آنتي ژنگېي آیک؟
- برا کي آنتي سنگه پلیک؟

- برا کي آنتي اوره نه بېگايک؟
- موسی ﷺ مې گه برا تارکن کو کدکن؟

ياده کېکالي ډلايه سره وټټان بن او تانک منجه مشورا کن، هر ډلاس اي جني صنف پرکناکه متنس مطلب بابته تانک جبېدې وړې آنتې معلومات پورا کن.

ياده کېکالي پنج لېن متن اودای لکن او لکنيس علامايه مناسب جايه يتدن.

- ياده کېکالي اکوروالي اړه کټ جملايه خالي جاينستا مناسب کلمايه دې پوردن.
- انچپکه اودای موچیک.
- موسی ﷺ اېرکن گه تي اوگر تا رما پلا اي جايه کدن.
- براجتريک او بل موچیک.

ياده کېکالي اکوروالي کلمايه جملايه کوچه يتدن.
(والگار، پيغمبر)

ارزيابي:

- آيا ياده کېکالي متني بکارکه پره بېيکن؟
- آيا ياده کېکالي متنس مفهوم سره مولياگن؟
- آيا ياده کېکالي نونگي لغته جملايه کوچه يتې بېيکن؟

گوشنگي لام:

ياده کېکالي متنس مطلب اودای چار لېن سدوري خطبېدې تانک کتابچايه کوچه لکن او لکنيس علامايه مناسب جايه يتدن.

ماين اودای جان چوتلېک

هدف: ياده کېکالي متنې پړه او لکه بادن، ماینه پېندن گه خطرناک شی شن او تېنا
خطرستا اودای جانه دور رشدن.



اوکتېلا؟

- ♦ اوږوالي عکسه بابته که اغت کې بیا؟
- ♦ ماين کو شيه ناييکن، که کده بیا؟
- ♦ کي آنتې ماين اودای جانستن لېره کېی گمان؟

گلزاربېگ اي هوشيار کټلا آس. کودن گه لامستای که گیک، جومه دنه که اېرکن گه خورا منده قدم انکې پې، کودن گه خورا منده الایک انچپکه لشچین گه دو برا لوي آن او اشه شاروا سې. گلزاربېک هوشياريدې تانک جایه تستیک او تانک استادستا اغتي يادیی بینچ گه کدایک: هر دنه گه ډاگ او خورایه لشیاکوگه کوشی لوآس، احتیاط کې. به بیا گه ماین تن، باید اېمه گرتا اته پندېدی گه اوي آی پچېل پې اواحتیاط کې.

گلزاربېگ احتیاطېدی ژنگیک، اته پندېدی گه اوا آیک گرتاسرکې که جانه پولېکن. کودن گه سرکه پولیک، لشچین اي موټر پولیس سرکه شاروي آن. گلزاربېگې زورکه کن کېچان او استه لېکن. پولیسه میس کنه اړېچان او کوپستای که گینچ. گلزاربېگې جم کسا مي آنتې کېکن اوپولیس خورا تلن گینچ. کودن گه سه منطقا تاره کن سه جای ماین دارایک. پولیسه گلزاربېگ اودای بوقدرداني کېکن اوکدکن: که چودې امه تانک وطن کوچه تېنه پيري هوشيار بالکول داراتمان، همېش کامیاب آمان.

سبقس موټي مقصدي:

ماین بو خطرناک شی شې، کودن گه تي پلا دوراندور بېمان، باید بو احتیاط کمان گه تي آنتې وکا نه بمان. کودن گه کوتي خطرناک شی لثمان، باید ماین پاكي دفتر يا کوتي وري حکومتي ادارا آنتی خبر دمان گه تي منجای نادن.

فعالیتېلا:

- یاده کېکالي متنې دککه پرتن.
- یاده کېکالي متنې ډلا کوچه پرتن.
- یاده کېکالي متنې اي ورې پلاکه پرتن.

یاده کېکالي متنې تانک کوچه پرتن او اته کلمایه سره که نه مولېباتن، تانک لړېکالا اودای اوکت کن.

یاده کېکالي اکوړوالي اوکته آنتې جواب کدن.

- گلزاربېگ تانک لامې که جومه کو اېرایک؟
- خورا منده انچپکه کو لشچین؟
- گلزاربېگ کي آنتې تانک جایه تستیک؟

- کوتي پندېدې پچېل سرکه جانہ پولېکن؟

- گلزاربېگ کو رکم کټلا آس؟

- اگه ډاگه کوتي لوا شی لشکو، کو باید کې؟

- گلزاربېگې سرکه موټرکوچه که لشچین؟

- پولیس گلزاربېگې چو تلن نېچین؟

ياده کېکالي ډلايه سره ونټان بن او هر ډلاس اي جني صنف پرکناکه متنس
مطلب بابتہ تانک جبېدې، وري آنتې معلومات پوراکن.

ياده کېکالي متنس مطلب اودای پنج لېن تانک کتابچايه کوچه لکن او اي وري
پلا غلطي درېچال بن.

ياده کېکالي اکوروالي اړه کټ جملاینا خالي جاینستا مناسب کلمايه دي پوردن.

- گلزاربېگ اي کټلا آس.

- گلزاربېگ هوشياريدې تانک تستیک.

- گرتا سرکې که پولېکن.

- پوليسه ميس کنه او کويستای که گینچ.

ياده کېکالي اکوروالي کلمايه جملايه کوچه يتدن.

(خورا، قدم)

ارزيابي:

آيا ياده کېکالي متني پړه او لکه بېيکن؟

آيا ياده کېکالي متنس مفهوم سره مولياگن؟


آيا ياده کېکالي نونگي لغته معنا کې بېيکن؟

گوشنگې لام:

ياده کېکالي متنس مطلب اودای چار چار لېن سدوري خطېدې تانک کتابچايه کوچه
لکن او اکالي دواس صنف کوچه پردن.

نيکي کپک

هدف: ياده کپکالي متنې لکه او پرې بادن، نېکي اهميت شره مولان او نېکي کپکس روحيي جانې کوچه پيدا کن او خلکه پلا نېکي کن.



اوکتېلا؟

- ◆ اېمه فکرېدى نېکي کي آنتې کدياگن؟
- ◆ نېکي کپک کو نپا دارا؟
- ◆ اېمه کار به کي پلا نېکي کېوو سې؟

اي انسان خلکه پلا جب، آست اومالېدې نيکي او کومک کېږي. جبېدې نيکي کېک، خلکه آنتې جبېدې پندلېږني سې. کو ګه يادۍ تې او بکار تې، تيس خلکنې لږېک او کديک سې.

کمي ګه پندلېږني آنتې اړ تې، نرم او رس جبېدې تې آنتې پندلېږني کېږي. استېدې نيکي او کومک کېک اخول، اي انداس استه درېک او ايچ پندې که برابر کېک سې او يا کوتي اند ايا کمزور سرکس اي طرفې وري تلن وټېن بې، اګه کيس باره ګران تې، ملتنا نېک کوچه کومک کېک سې.

که چودې کمي او تا يا تمړ اتې تانک وس جا ملتنا کومک بې، بکار ياده کېکالا انخول فايدا دارکالي اغته همېش پام کوچه درېۍ او زندګي کوچه سړۍ عمل کېږي.

سبقس موټي مقصدي:

نيکيس مفهوم او معناسره مولېک، جامعا کوچه خلکه پلا نيکي او تيس اهميت سره مولېک او تانک وس پلا خلکنا بېلابېل ونټه کومک کېک بکار لام سې.

فعاليتېلا:

- ياده کېکالي متنې دک دورېدې پرتن.
- ياده کېکالي متنې تانک ډلا کوچه پرتن.
- ياده کېکالي متنې اي ورې پلاکه پرتن.

ياده کېکالي متنې تانک کوچه پرتن او اته کلمايه سره ګه نه مولېياتن، لږېکالا اودای اوکت کن.

ياده کېکالي اکوروالي اوکته آنتې جواب کن.

- اي انسان خلکه پلا کي واسطايدي نيکي کېږي؟
- جبېدې نيکي کووات کېن بګا؟
- استېدې کو رکم کومک سره پوله بيا؟
- مالي کومک کو رکم نيکي سې؟

- انسان باید کواوات خلکه پلا کومک کي؟

ياده کيکالي ډلايه سره وټيان بن او نمايندگي دې ډلا اودای اي جن، صنف پرکنای که اي او متني تانک کوچه سوال او جواب يا محاورا رکمېدې تانک جېدې وري آنتي بيان کدن.

ياده کيکالي متن اودای پنج لېن تانک کتابچايه کوچه لکن، يان تانک لکنستا کويای جن آنتي لږه تن، تا گه سه غلطيا درې.

ياده کيکالي اکوروالي کلمايه جملايه کوچه يتدن.
(مال، نيکي)

ارزيابي:

آيا ياده کيکالي متني بکارکه پره بېيکن؟

آيا ياده کيکالي متنس مفهوم سره مولياگن؟

آيا ياده کيکالي نونگي لغته معنا کي بېيکن؟

گوشنگي لام:

ياده کيکالي اوته نيکي بابته گه مېنا کي پلا کبويی شې يا مې پلا وري کيس کوتي نيکي کبويی شې، کاو خط کوچه موټا رقمېدې لکن او اکالي دواس هر ياده کيکالا تانک لکنستا صنف پوره پردن.

لغات

معنا

الف

اندو = بې مل، انو

انډيوال = دوست

انډيوالي = دوستي

انشن پني = اسه واړ گه سري چاټ

انان گورپيا

آنشېک = درېک

آنشېک = چاټ انيک

اوبارا = جگ

اوبجېکالي = تولد کېکالي

اوشته = کنار، بغل

اوکت = پرسان

اولی = بې مېوا

اونجنا = صابون

اېړيک = خواست

اېنا = خوراکا

اي وانيا = ايکيا

ايچ = اوچ، مستقيم

ايلای = بعضې، ايولا

اېړن = بې پړوا، بې سواد

اېلشوا = انچ اوتا، حريص

اټال = کړام

اخلا = اکلا

اخلاق = بکار خوی

آري = آرو

اړ = محتاج

اړ بوي = احتياج بوي

اړ لاوېک = رحم کېک، همدردی

اعتبار = يقين

آلان = اوړې

امليک = امبليک

انجوېک = شروع کېک

انچېک = ناچاپ

انچړک = چينا

اندارا = اندرماسي

ب

پرکنا = پوره

بار = وپېند

پستا = اي رکم مېوا شې

بارې = بو ورگ نیک، سېلاب

پندلړېني = رهنمايي

بايشت = نیکبخت

پني = گن واړ

برېنگ = سامان

پورا = تکمیل

بکار = خوب

پورانا = دنه هونا، پوره هونا

بلنگه = بلگه

پوگال = فامیل

بلیک = خطرناک حالت

پېشوا = رهبر

بو = بهي

پيري = رقمي

بويره = زیاتره

پیغمبر = رهنما

پ

ت

پارال = سېب

تال = آسمان

پامپري = نظرکېک، توجه

تانک کویای = تانک نزدیکی

پپیس = پپوس، ینه

تجوړا = تارا، ستارا

پتای = ناوخت، آپېت

تر = محکم

پټکه = ورقه

تستیک = تستوا

پتوال = بورا، بانه

تشان = نجار

پټیک = ورق

تلن = طرف

پرېل = پورا

تنېک = نازک

توا = کول، تابه

چاټ انیک = ټوپ انیک

ث

چټریک = بټیک

ثواب = اجر

چکه = پوسته

ج

چمپر = ناپاک

جال = کړیک

چنډي = چنټي، ريزي

جب انشیک = جای په جای چاټ انیک

چوپردین = دورا دور، چار چاپیر

جلبس = موټپس، کړکس

چېک = خبرکېک، چیغ

جوان = تنېک

چېوا = وایتک، گن چمبرک

جومه = سهار، سبایي

چیک = پوست

خ

خاټي = غلا، دانا

داشنا = راست

خار = کار، سامعا حس

دان بوي = دېن بوي

ختنگر = دهقان

دشتیان = گن، گنېنچ

ختني = زراعت

دموا = سپر

خدمت = خلکنې لّام، نیکی

دموي = سپر

خراپ = کراپ

دن = گالا

خورا = ټپا، غونډیالک

دوراندر = روبه رو

خورا منده = ټپا شره

دیړیک = مچ باپیک

چ

د

رحيم = مهربان

شريڪ = اڪڻو

رس = مزا

ض

رشان گورن = ننگا بن

ضرورت = احتياج

رشيڪ = ننگا، حفاظت

ع

ز

زر = روپي، شونپڪ زر

عالم = مولپڪالا

علوم = علمس جمعي

زندگي = عمر

ف

سي

ساتان = ننگا، حفاظت

فاروق = فرق ڪپڪالا

فتح = ڪاميابي

سبحان = پاڪ

فڪر = خيال

سبق = درس

ق

سپورت = اخلا

قاعدا = اصول

سخري = سخري

قحطي = اي شيس ڪم بيڪ

سدورا = ڊولي

قدم = گام

سليڪ = تشويش

ڪ

سمريڪ = ڪومڪ

ڪايوا = پٽ ڪهوا

شي

شادي = خوشحالي

ڪٽي = قطع ڪهيي

ڪرام = گمبا، گرنگ

شت = راست

ڪريڪ = جال

کسب = کمال

لگا = لمبا

کمال = علم

لنگنیک = لکنیک، سودا کپک

کن = آواز

لوهان = آسان

کومک = سمرني

لبن = خط

کویای = وکا، نزدیک

ل

گی

لانیس = خوارا، پرانگ

گار = گوشینگ

لکلي = دونا، له پایا

گالا = وخت

لمگیر = کارگر

گرتا = یان، پچبل

لبره = دوریار

گوسا = قهر

لیارا = زخمي

گوناج = جند

م

گونچی = جندی

مال = جايداد

گوندی = شاخی، ډولا

ماین = دلکالا شی

ل

مچ = بتر

لام = قریا

مچ = بد

لایوار = همزول (لیاوار)

محتکر = کایلېکالا، کمې گه خلکه او

لج = شرم

دولت مالی کوچای چوري کیا

لړو = جم، چوتېوي

محصول = حاصل

لړېکالا = معلم

محیط = کنه سنا

مخلوق = الله س پيدا ڪبويا

نصيحت = پندلڙيڪ

مشت = ڇپوڻا

نعمت = مزيا

مشورا = مصلحت

ننگهويم = انچويم

مل = قيمت

نڀڪ = بڪار، خوب

ملتنا = ملتنِي

و

ملوا = حل ٻو

وارڀٽڪالا = سنگڪار

مندو رڪمڀڊي = امڀمخول ، ميسي

والگار = چوپان

رقمڀڊي

وڻيڪ = خستا بيڪ

مهربان = رحم ڪڀڪالا

ورمي = ويرمبو

موڻهي = موڻڪي

وري ڪن = وري گراي

موڻ = ڪڙڪ، جل

وڙ = مناسب

موڻهي = موڻڪي

وڙلڪ = تربيا ڪڀڪ

مولڀڪالا = عالم

وڙن = تربيابن

مولڀني = علم

وڙي = لايقي

ن

وس = طاقت

ناره آلي = خوشه آلي

وسيلا = واسطا

ناساز = مريض

وشام = آرامي

ناساز = مريض

وشموي = آرام

نجي = نشاني (نزو)

ولتا = شي

ونت = قريا

وونا = رواج

ويڙ = جان

هه

هروانيا = هرکوتيا

همسايا = وکا گوشينگ، اي جايه پوگال

ي

يتپک = استعمال کپک

ينگ کال = شاپوا کال، يه کال